



सानसेयारि "बड'सा" ख्रीरालाइयाव
समाज्यादि जिज्जो लोब्बा थानाय रायथाय, खन्थाय,
सल', सल'बाथा आरु दावबायादि थावनि, पार्क
बाइदिनि स्यायाव लिहनाय लिहबिबां दैथाय डर/
सानसेयारि "बड'सा" ख्रीरालाइया खेबखानावै
फोस्वावगोब/
बड'सायाव लिहहनायनि हुबा खालाम,
"बड'सा" ख्री नोथि, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 25 January, 2024 Kokrajhar, BTC, Assam ★ Vol.-33, Issue No. 297 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



बांशिनै मिथिनो धाखाय स्केन खालाम

हमारा संकल्प
विकसित भारत

मदि सरकारनि गेरेंटि

फामुआरि सानस्रिनिफ्राय उदांस्त्रि

राजपठआ दानिया कर्तब्य पठ, मुगल गार्डेनआ अमृत उद्यान जबाय,
चत्रपटि शिबाजी महाराजनि दै सांस्थिनि बिथायाव भारतयारि दै सांस्थिनि गोदान नेर्सान



राइज्यो सरकारा रांखास्थियारि महरै लोरबां
सुबुंफोरखौ फोजौखानो थाखाय थाद 'नाय
गैयै खामानि मावबोदों: गिबि मन्थि

सा-सान्जा हारिमुवारि फोर्बोआ गाजा-गोमजायै खुंफुंजाबाय

सा-सान्जाजों लोगोसे दर 13 राइज्योनि हारिमुवारि हान्जाफोर बाहागो लाफैदोंमोन



दिसपुर, 24 जानुवारी: गिबि मन्थि हिमन्त बिश्व शर्माआ दिने शिबसागर
जिल्लानि नाजिराव थानाय साकिमुख गोजौसिन गेजेरि फरायसालिनि
गेलेग्रा फोथाराव खुंनाय मोनसे हाबाफारियाव माहारियारि आदार रैखाथि
आइनि सिखव मुलाम्फायारिफोरसो रेसन (□ 5 बिलाइआव)

कक्राझार, 24 जानुवारी:
बिटिसिनि गाहाइ थावनि कक्राझार
सोहोरनि साखाथियाव थानाय गोरों
दैसा सेरफानि चान्दामारियाव
थानाय बड'फा कालसारेल
क मप्ले कसयाव थांनाय
मंगलबारनिफ्राय सान्निनि गेदेर
हाबाफरिजों जागायजेन्नाय सा-
सान्जा फोर्बो 2024 आ दिने
थुंगेबाय। मिरु सरकारनि हारिमु
बिफाननि सा-सान्जा मन्डलनि



बानायनायाव आरो बिटिआर
सरकारनि हेफाजाब होनायजों
लोगोसे दुलाराय बर' हारिमु
आफादिनि हेफाजाबाव गोसो बोनो
हानाय थासारियाव जागायजेन्दों
गिबि खेबनि थाखाय बे फोर्बोआ।
बड'फा कालसारेल क मप्लेकसयाव
मंगलबारखालि मोनाबिलियाव
'कालस बड'लेन्ड आरो कालस
इन्डिया'नि गोसो बोनो हानाय
(□ 5 बिलाइआव)

कक्राझारनि ग्रिनफिल्डआव एबसुआ बिटिआर गोरुबथा सान फालिगोन: खनिन्द्र बसुमतारी

कक्राझाराव गं 5 पिग मिसन सार्भिस भेहिकल (एम्बुलेन्स) गथायदों

फैगौ 30 जानुवारीआव मिरु गंगौसा साइख' आन्जाद-2023 आरो एपिएससि आन्जादआव उश्चिनाय बिजाथिफोरखौ बरायगोन

कक्राझार, 24 जानुवारी: बर' हारिनि
थाखाय जांरिमिनारि गोसोखांथि
सानफोरनि गेजेराव 27 जानुवारियावो
मोनसे। दुलाराय बर' फरायसा आफाद,
एनडिफ बिनि मोनब्रँ हान्जा,
इडबिपिअ'आ खौसे जानानै भारत
सरकार आरो आसाम सरकारजों बर'नि
थामथि जांरिमिनारि गोजोन गोरुबथाखौ
थांनाय 2020 ई माइथायनि 27



जानुवारीआव खालामदोंमोन। बिटिआर
गोजोन गोरुबथाया ब्रै बोसोराव आगान
होनो थांगासिनो। बे खेबआव मिरु
दुलाराय बर' फरायसा आफादआ
कक्राझार जिल्लो आरो चिरां जिल्ला
एबसुजों लोगो नानानै जुथायै फैगौ 27
जानुवारिखालि कक्राझारनि
ग्रिनफिल्डआव बिटिआर गोरुबथा सान
फालिनो (□ 5 बिलाइआव)

कक्राझार, 24 जानुवारी: बिटिसि
सेक्रेटारियेटनि लोंगोनायाव गं 5 पिग
मिसन सार्भिस भेहिकल
(एम्बुलेन्स) खौ बेखेवबाय।
मख'नो गोनोदि, बिटिसिनि गाहाइ
मावफुं सोद्रोमा प्रमद बर'आ
फिरिफला बिरहोनानै एम्बुलेन्स
गारिखौ बेखेवना होयो। बिटिसि
सरकारआ खामानि गैयै जेनाखौ
(□ 5 बिलाइआव)



14 वीं माहारियारी बिसायख'गिरि सान

25 जानुवारी, 2024

“ बिसायख'नाय बादि जेबो नडा,
रोखा खालामनो आं बिसायख' होयो ”

बयनिखुइबो देरसिन सुबुंखान्थिनि
बाहागो जानायलाय,
फै सोलायनायखौ नायनो
समायखिरा लानि

“ जों, भारतनि नोगोरारिफोर,

सुबुंखान्थिनि सायाव फोथायनाय थानानै, बेनि गेजेरजों जोंनि हादोरनि
सुबुंखान्थियारि दोरोंफोर आरो उदां, मोजां आरो गोजोन बिसायख'थिनि
मानखौ लाखिनो समायखिरा लायो आरो मोनफ्रोमबो बिसायख'थियाव
उदां गिनाय आरो धोरुम, हारि, फोलेर, राव एबा जायखिजाया लुबैनायजों
गोहोम गोग्लैजायाजासे बिसायख' होनो समायखिरा लायो ”



सुजुगिरिनि खोलोम

ना-साम' खांखाइ

सिगां समफ्राव हाख 'र-हाला, गरखायनिफ्राय लानानै दैमा-दैसा, बिलो, फुखि, जाम्फे, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो थेनानै दै सोनानै आबादनि थाखाय गाहाम खालामनानै लानायमोन। बेफोरबादि ओन्सोलावनो ना-साम', खांखायनि आंखाल नुजायामोन। मोनफ्रोम दै थानाय हाख 'र-गरखाय, दैसा, जाम्फे बिलो आरो ओरैनो बोहैलांगरनाय दैफ्रावबो ना-साम'-खांखायनि आंखाल नुजायामोन। खालिबोल' गोनान्थि जायोमोन हमानै लोबोनानयनि। ना हमनो थाखायबो गोदो-गोदायनिफ्राय बाहायनानै फेनाय सेन, खखा, खाखि, जेखाइ, पल' फोरजोनो सानानै हमानै सल, बार्लि, नाझा, बोथिया, सिंगि-मागुर, थुरि-बामि, फिथिखि-मावया ना एग्रे-बेग्रे मोन्नाय आरो मोनजानायनि बोथोरा माबा लांखायावनो गोमालांबाय। आथिखालाव दंसे टाउन-सहर, हाथाय-बाजारवा दाब-दाब राइज्यो आरो बिलोफोरनिफ्राय लाबोनाय नाफोरजोनो ना ओंखिनि आइटेमखौ फोलोमनान्गो जानानै फेयो। सुबुं देहानि थाखाय नानि गोनांथियाबो एसेल' नडा। नाथाय मोन्नांगोयासो गोब्राब जानानै फेबाय। नानि आंखाल फोलोमनो राइज्योयाव बोसोरे बोसोर गुबुन गुबुन राइज्योनिफ्राय लाबोनानै नानि आंखालखौ फोलोम फेनाय जायो होन्ानै मिबथि मोनो।

ना-साम'-खांखाय गोमालानायनि जाहोन एबा जेबनानै थोब्ले-माब्ले जानायनि गुदिखौ गोबाडनो बाइदिसिना जाहोन आरो बिजाउन होन्ानै फोरमायबोदों। बेफोरनो जाहैबाय दैसा-जाम्फे, बिलो, हाख 'र-हालाफ्रा लासैयै सानफा-एफा खोखांबोनानै दै थायै जानाय आरो बिलो बेहेर बारिफ्रा गोमालानायजों लोगेसे बेफोरनि बांसिनो दडब्लाबो दै गैयै थायै जानानै फेनाय। दै गैयाब्ला ना-साम'-खांखायफ्रा बबेनिफ्राय थाफेनो आरो बोरै फोलेर एरनो। फारसेथि मिथिंगा बिखायाव सिगांनि बादि अखाडैजों आबुं जानानै थालिया। दैज्लां बोथोराव अखा हानानै थानाय दैयाबो दैज्लां बारनाय लोगो-लोगोनो राननानै गोरान जालाडे।

गुबुन मोनसे जाहोनखौ दैज्लां हाबनाय लोगो लोगो अखा हादैन जावरिनायजों जेराव बिलो,दैसा-जाम्फेफोर दं बेफोर दैसा बिलोफ्राव फुवान होनाय ना आरो बिदैं गोनां नाफोरखौ गोबों जेजों बोखानाय आरो मुलि-बिषो होनानै हमानायव नानि जोलै एरनायाव हेंथा फेनायखायनो ना-साम' खांखायनि बिबाड सानफा-एफायैनो बाडय जाबोनानै आंखालनि महर लाफेदों।

मिथिंगा बिखाया बिफां-लाइफां, हाग्रा-बंग्राजों थाजिम सोमखे महरै थायोब्लासो अखा-बांखा हानाय आरो बेसोमुथि बिखाया थाजिमै-थानो हागोन। अब्लासो दैसा, बिलो हाख 'र, हाला, जाम्फेफ्रावबो दै बोहैगोन-ना साम', खांखाय आरिफ्राबो दैयाव थानानैनो फोलेर एरहोनानयनि खाबु मोनगोन अब्लासो फारफ्रोम बिथिनि थाथाया सरासन्नायाव फेफिनगोन। ना-साम'-खांखायनि आंखालखौबो एफा-एनैयै फोलोमनानयनि लामा मोनफिनानयनि राहा थाहैगोन।

दिनैनि फान्जामुथि

राशि बाइदिथै मुंनि गिबि हांखो
मेष : अ ल वृष : ऊ ब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ट (ण ष)
तुला : त र बुध्चक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ञ झ)

- मेष: नख 'रनि सोरजोंबा सोमोन्दो गावसालायनाय जानो हागौ। जेखि जाया गोसोखौ हमाथा।
वृष: जैरैबो गोजोन्नायखौ मोन्नो हागोन। नख 'रआ जौगानाय मोन्नो हागोन।
मिथुन: मोजां खामानि मावनयनि बान्था मोन्नो हागोन। गोसोखौ गोजोन मोनगोन।
कर्कट: जैरैबो सांग्रां जानानै थानांगोन। जेनायाव गोलेनो हागौ। थासारिया गाज्जि।
सिंह: जेरावखि जाया लामा हान्तिआ मानो सांग्रां जानांगोन। जेनायाव गोलेनो हागौ।
कन्या: दिने दिनआव खस्ट' मोन्नांनो हागौ। गोसो हमाथानानै सोलिनांगोन।
तुला: बबेबा गुबुन हादरफोराव दावबाय हैनो मोन्नो हागौ। सांग्रां जानानै दावबायना गाहाम।
बुध्चक: मोजां मोनलायनाया समानैनो थागोन। बयजोंबो अनज्जलयनानै थानो हागोन।
धनु: समायना नख 'र दानो हागोन। नख 'रआव मुलाफ्रा बांगोन। अनलायनाया थाबाय थागोन।
मकर: जेखि मावा जौगानायखौ मोन्नो हागोन। फारफ्रोमथिबो मोजां।
कुम्भ: माबाफोर जेनायाव गोलेबायनो हागौ। जैरैबो सांग्रां जानानै थानांगोन।
मीन: गोसोआव माबाफोर दुखु मोनबायबायनो हागौ। गोजोन्नाय गैयैजों सम बारहोनांगोन।

दिल्ली एनसिआरआव फुंनि समाव सरासन्त्रा अखा हानायखौ नुनो मोन्दों

गोदान दिल्ली, 24 जानुवारी : दिल्लीजों लोगोसे गासै सा भारतआव शित आरो खुवाया सागलोबसारदों। बेनि गेजेरजों दिल्ली, हारियाणा, उत्तर प्रदेश आरो बिहारआव जोबोद गुसु जागासिनो दड। जायनि जाहोनाव बुधबारखालि फुडव दिल्लीनि बिदुंखौ 7 डिग्रि सेल्सियास दिखानो मोन्नाय जादों। बेराफारसे चन्दिगडआव बिदुंखौ 5 डिग्रि दिखानो मोन्नाय जादों। बेनि अनगायै दिने फुडव दिल्ली एनसिआरआव सरासन्त्रा अखा हायो। बोथोर बिफाननि बायदिब्ला, फे गौ माखासे सानसिमाव दिल्लीयाव खुवाया सागलोबमोन। हाजोयारि राइज्योआव सोलिबाय थानाय बरफनि बार बारनायनि जाहोनाव सा भारतआव गुसुआ बादों। फारसेथि खुवानि जाहोनाव माखासे ट्रेनफोर आरो फ्लाइटफोरनि गोखैथियाबो खम जादों। हाजोआरि राइज्योफोरनि बाथा बुडेब्ला दिने



फुडव श्रीनगरनि बिदुंख 4 डिग्रि सेल्सियास जायो। पल घामआव दिने फुंनि बिदुंखौ 5.4 डिग्रि सेल्सियासयै दिखानो मोन्नाय जादों। बिफाननि बायदिब्ला 25 आरो 27 निफ्राय सोनाबारि नारसिन्थाया एक्टिभ जानो हागौ, जायनि जाहोनाव 25 आरो 28 जानुवारीसिमाव हिमाचलनि माखासे जिल्लाफोराव अखा हानायनि मिजिं दड। जायखौ लानानै रामनि जोनोम जायगायाव थानाय धोरोमारि दावबायग्रा ओन्सोलनि ट्रास्ट, गिबि मन्थि आरो खुंथाया दावबायनायखौ लानानै माखासे बिथोनखौ फालिनो खावलायदों।

लाहाखनि थान्दैफोरा लाहाखखौ 6 सेडुयल राइज्यो खालामनो दाबि दैखांदों



गोदान दिल्ली, 24 जानुवारी : लाहाखनि थान्दैफोरा मिरु नख 'र मावख 'नो मोनसे गोसोखालाइ गथाइनाय मिरुजों खुं जानाय राइज्योखौ दरसे आबुं राइज्योनि मान थाखो होनांगोनि दाबि दैखांदों। राइज्योआ 6 सेडुयलनि गेजेरजों गनायथि जानांगौ। जाहाथे गोदान राइज्योआ हानि रेखाथिजों लोगोसे लाहाखनि नोगोरिफोरि खामानिनि आबुं खाबु मोनो। बेनि लोब्बायाव मिरुनि नख 'र मन्थि नेत्यान्द रायनि दैदेन्नायाव उरनि जथुमाया फे गौ फेबुवारी दाननि जागायजेन्नायाव जानो हागौ। सुलुंनि बायदिब्ला लेह एफेक्स

बावैसो सिगां थानाय 4 डिसेम्बरआव जानाय जथुम्मायाव समिटिया मोनैबो आफदनिफ्राय बिसोरनि दाबि दैखानायनि फारिलाइखौ बिदोंमोन। थानाय सप्ताहयाव होनाय गोसोखालाइआव बुनाय जादोंदि, सुप्रिम कर्टआ गावनि बावैसो सिगां फोसावनाय थांखियाव बुंदोंदि, जम्मु आरो काश्मीरखौ राइज्यो बिमुं होनाय थांखिखौ हगारना होनाय जागोन। नाथाय बे खाथियाव लाहाखआव गोहोम गोनां जानायनि बाथाखौ बुनाय जायखै, जायजों बियो मिरुजों खुं जानाय राइज्यो महरैनो थालांगोन। मिज 'राम, त्रिपुर, सिक्किम आरो गुबुन सा-सान्जा राइज्योफोरनि मान थाखोखौ लानानै लाहाखनि थाखाय दरसे उदां राइज्योनि मान थाखोखौ दाबिनाय जादों। लोगोसेनो 6 सेडुयल आरो संबिजनि आर्टिकल 371 नि गेजेरजों बेफोर राइज्योआ मोन्नाय रिजाभेशनखौबो मोन्नांगौ होना दाबि खालामदों।

24 जानुवारियाव फालिनाय हायुंआरि हिन्जावसा गथ 'सा सानआ इन्दिरा गान्धीजों सोमोन्दो गोनां

गोदान दिल्ली, 24 जानुवारि: गहाय मन्थि नरेन्द्र मदिआ दिने सोलायनाय लाबोनानयनि थाखाय हिन्जावसाफोरखौ बाखानायदों आरो बुंदोंदि, बिथानि सरकारा मोनसे ओरैबायदि हादर दानो थाखाय गासिबो नाजागासिनो दं, जेराव हिन्जावसाफोरा सोलोनो आरो जौगानो आबुं खाबु मोनो। बिथानि हायुंआरि हिन्जावसा गथ 'सा सानाव समाजारि बिजों प्लेट फर्म एक्सआव मोनसे पस्टआव बिबुंथि होदोंमोन, जाय हिन्जावसाफोरनि मोनथाय आरो आइजोफोरनि सोलोनथाय आरो सावस्त्रिनि गोनांथिखौ फालियो। बिथाड बुंदोंदि, हादरारि हिन्जावसा गथ 'सा सानाव जों हिन्जावसा गथ 'फोरनि थलुंग आरो मोनफुंनायफोरखौ सन्मान खालामो। जों गासैबो आयदायाव साफ्रोमबो हिन्जावसा गथ 'फोरनि गोहोखोबो सिनायथि होयो। बिसोर सोलायनायनि हिन्जावसाफोर जाय जौनि हादर आरो समाजखौ साबसिन खालामो। थानाय 10 बोसोराव जौनि सरकारा ओरैबायदि मोनसे हादर दानो नाजागासिनो दं, जेराव साफ्रोमबो हिन्जावसाफोरा सोलोनो आरो जौगानो खाबु मोनो। मदि सरकारा 2015 माइथायाव हादरारि हिन्जावसा गथ 'सा सान फालिदोंमोन। 24 जानुवारियाव हिन्जावसा सान फालिनायनि मोनसे जुनिथा जाहोन दं। बे साना हादरनि गिबिसिन आइजो गाहाइ मन्थि इन्दिरा गान्धीजों लोब्बा दं। इन्दिरा गान्धीआ 24 जानुवारि, 1966 माइथायाव गाहाइ मन्थि महरै समायखिरा लादोंमोन। 24 जानुवारिखौ बोसोरफ्रोमबो बे गोजौसिन मासिसिम सौहैनाय हादरनि फिसाजोनि मोनफुं नायखौ गोसोआव लाखिनाय आरो आइजोफोरखौ

गोहो होनो थाखाय सांग्रां खालामनानयनि थांखिजों गोनांथार मानिनाय जादोंमोन। बे सानखौ हादरनि हिन्जावसाफोरखौ गावसोरनि मोनथायनि बागै सांग्रां खालामनो आरो बिसोरनो समाजाव जौगानायनि थाखाय समान खाबु आरो मान होनो थाखाय फालिनाय जायो। बेनि अनगायैबो बेनि थांखिया गासैबो सुबुंफोरखौ हिन्जावसाफोरनि हेंथायै नासयनायनि बागै सांग्रां खालामनय।

कंग्रेसनि आफादगिरि माल्लिकार्जुन खड्गेया मिरुनि मन्थि शाहनो लाइजाम हरदों

गोदान दिल्ली, 24 जानुवारी : आसामाव कंग्रेसनि एमपि राहुल गान्धीनि रेखाथिखो लानानै कंग्रेसनि माहारियारि आफादगिरि माल्लिकार्जुन खड्गेया मिरुनि नख 'र मन्थि अमित शाहनो लाइजाम लिखरदों। मंगलबार मोनायाव लिखरनाय लाइजामाव खड्गेया थानाय माखासे सानफोराव नुजाथिनाय भारत जड् न्याय यात्रानि रेखाथि आयदाफोरखौ लानानैबो मख 'नाय दड। लाइजामाव खड्गेया बुंदोंदि, 18 जानुवारी 2024 आव कंग्रेसनि यात्राया आसामाव हाबजेन्नाय सानखालि आसाम पुलिसआ यात्रानि थाखाय लामाखौ रोखा खालामालासे शिवसागर जिल्लानि आमगुरियाव बिजेपिनि पस्टरखौ रेखाथि होनायाव नांथाबनाय नुनो मोन्दोंमोन। बेनि नैथि सानाव बिजेपिजों लोब्बा थानाय माखासे मावथिफोर लक्षिमपुर जिल्लयाव भारत जड् न्याय यात्रानि पस्टर आरो हडिसफोरखौ बिसिनय आरो बोखारनायाव हमाजादोंमोन। कंग्रेसनि आफादगिरिया लाइजामाव लिखरदोंदि, थानाय 21 जानुवारीयाव कंग्रेसनि यात्राया अरुनाचल प्रदेशनि लामाजों आसामाव जेब्ला फेफिनो अब्ला शनिपुर जिल्लयायाव यात्रा खालामनयन समावनो आरोबाव मोनसे लाजिनांथाव गाग्लोबनाय जाथाय जादों। शनिपुर जिल्लानि



लकेल पुलिस कमिशनरआ गिबि मन्थि हिमन्त बिश्व शर्मानि फंवाय जायो। बिजेपिनि मावफारियाफोरा कंग्रेसनि गाहाइ नेहाथारि जयराम रमेशजों लोगोसे इन्डियन नेशनल कमिशननि सशोल मिडिया टीमनि सायावबो गाग्लोबनायखौ नुनो मोन्दों आरो बिसोरनि सायाव गाज्जि आबु दिन्थिदों। जयराम रमेशनि कारखो गाग्लोबनाय जादों। फारसेथि बिसोरनो भारत जड् न्याय यात्रानि स्ल 'गानबो होदोंमोन। बे समाव बिसोरो गाज्जि आबु दिन्थिनानै गारियाव लागायनाय बिजेएनवाइ स्टीकारफोरखो बिसियो आरो गारि सिडव थानाय दावबायारिफोरनि सायावबो दै साहरनो नाजायो। बेनि अनगायै लाइजामाव बुंवावदोंदि, बै सानखालिनो शनिपुर जिल्लयायावबो बिजेपि जिल्ला पार्टी मावफारियाफोरा राहुल गान्धीनि गारिसिम थानानै बिसोरखौ होबथादों। बेनि उनाव

हादतआव करनानि गोहोमजों सानै सुबुंफोरनि जिउ गोमादों



गोदान दिल्ली, 24 जानुवारी : भारतआव करनानि केसआव बांनयखौ नुनो मोनगासिनो दड। बेनि सोमोन्दैयै सावस्त्रि बिफाना थानाय बुधबारखालि बुडेदि, भारतआव कभिड-19 नि सा 160 गोदान केस नुजाथिदों आरो इन्फेक्सनि एक्टिभ केसफोरनि अन्जिमाया सा 116। बिफाननि फुंनि 8 रिगायाव आपडेट खालामनय अन्जिमानि बायदिब्ला 24 घन्टायाव सानै सुबुं थैनायखौ दिखाना मोन्नाय जादों। जायफोरनो गेजेराव सासेया कर्नाटक आरो सासेया केरलानिफ्रायमोन। थानाय 2023 नि 5 डिसेम्बरसिमाव

सानफ्रोमबोनि केसफोरनि अन्जिमाया दावखलायदोंमोन। नाथाय आरोबाव खेबसे गुसु बोथोरनि उननिफ्राय करनानि केसआव बांफिनगासिनो दड। सुलुंनि बायदिब्ला, थानाय 2023 नि 31 डिसेम्बरआव सानसेयाव सा 841 गोदान केस नुजाथिदों। जाय 2021 नि मे दानाव रिपट खालामनय केसफोरनि 0.2 जौखन्दो। गासै एक्टिभ केसफोरनि गेजेराव बांसिनआनो नख 'रारि आजावना लानाय राहाफोरनि गेजेरजों गाहाम जाफिनगासिनो दड। आथिखालाव मोन्नो हानाय अन्जिमाफोरनिफ्राय मिबथिनो मोनोदि, जेएन.1 दिखानो मोन्दोंमोन। 2020 जागायनायाव महामारि जागायनायनि उननिफ्राय 4.5 कौटिनिखुइ बांसिन सुबुंफोरा इन्फेक्सन जाखबांया आरो इन्फेक्सनि जाहोनाव हादतनाडे 5.3 लाखनिखुइ बांसिन सुबुंफोरा जिउ नागारखांबाय। बिफाननि वेबसाइटनि बायदिब्ला बे बेमारनिफ्राय गाहाम जाफिनगाय सुबुंफोरनि अन्जिमाया 4.4 कौटिनिखुइ बांसिन, जायनि माहारियारि रिक्भारिनि बिबांआ 98.81 जौखन्दो। वेबसाइटनि बायदिब्ला हादतआव दासिमाव कभिड टिकाफोरनि 220.67 कौटि ड्रप थुखांबाय।

Notice regarding a tender for road and building works. Includes details like 'SHORT NOTICE INVITING TENDER', 'Sealed tender affixing a non-refundable Court fee stamp of Rs. 8.25...', and a table with columns for Sl. No., Name of activity, Estd. Value, Tender Value, EMD/Bid Security, Cost of Tender paper, Pre-bid date and Time, Last date & time of bid submission, Date & Time of bid opening, and Time of completion of Work.

रहन बपन्नाआ अस्ट्रेलियान अपेननि सेमिफाइनलाव सौहैनानै जारिमिन सोरजिदों

गोदान दिल्ली, 24 जानुवारी: भारतनि स्तर टेनिस गेलेगिरि रहन बपन्नाआ अस्ट्रेलियान अपेन 2024 आव देरहानानै सेमिफाइनलाव सौहैनानै जारिमिन सोरजिनो हादों। बिथाड बयनिखुइबो साबसिन दिन्थिफुनो हानायनि मददजों आधिखालाव डाबल्सआव मुलुगनि नम्बर 1 गेलेगिरि जासिगोन। 43 बोसोर बैसोआवबो बपन्नाआ गावनि रोंगथिजों लाइमोन गेलेगिरिफोरखों उनाव लाखिदों। बपन्नाआ टेनिसआव होवाफोरनि जावजाआव नम्बर 1 जानो हानाय बयनिखुइबो बैसो गोरसिन गेलेगिरि जानो हाबाय। रहन बपन्ना आरों बिथानि लोगो गेलेगिरि मेथ्यु एबडेनआ अस्ट्रेलियान अपेन 2024 नि क्वार्टर फाइनलाव देरहादों। बिसोर सानैआ सेमिफाइनलाव सौहैनो थाखाय आर्जेन्टिना मेक्सिम गन्जालेज आरों आन्ड्रेय मल्टेनीखों पेजेदों। बपन्ना आरों बिथानि लोगो गेलेगिरिआ बैरेखा



जराणि हेंथायै 6-4, 7-6 स्करआव देरहादों। बिसोरनि दिन्थिफुनायाव आर्जेन्टिना गेलेगिरिफोरो दिदोमै गसंथानो हायाखै। बपन्ना आरों एबडेननि जराआ बे खेबआव थामहिनबा सेमिफाइनलाव थमास मासाक आरों झिडेन झांजों मोगा-मोगि जागोन। 43 बोसोरनि बपन्नाआ क्वार्टर फाइनलाव देरहानायजोंनो होवाफोरनि जावजायाव नम्बर 1 मासिखों रोखा खालामदों। मख'नो गोनांदि, बपन्नाआ टेनिसनि

जावजाआव माब्लाबाबो ग्रेन्डस्लेम बिमुं देरहाफेराखै। गावनि केरियारआव गिबि खेब अस्ट्रेलियान अपेननि सेमिफाइनलाव सौहैनानै बपन्नाआ बेनि सिगां 2022 आव फ्रेन्स अपेननि पाइनालाव सौहैदोंब्लाबो जेन्नायजों मोगा-मोगि जानादों। बिथाड गावनि केरियारआव ग्रेन्डस्लेम बिमुंखों खेबसेल' देरहादों। थामहिनबा 2017 आव बिथाड गलाय-गथाय जावजा बादायनायाव बिमुं देरहादों।

जावजाआव माब्लाबाबो ग्रेन्डस्लेम बिमुं देरहाफेराखै। गावनि केरियारआव गिबि खेब अस्ट्रेलियान अपेननि सेमिफाइनलाव सौहैनानै बपन्नाआ बेनि सिगां 2022 आव फ्रेन्स अपेननि पाइनालाव सौहैदोंब्लाबो जेन्नायजों मोगा-मोगि जानादों। बिथाड गावनि केरियारआव ग्रेन्डस्लेम बिमुंखों खेबसेल' देरहादों। थामहिनबा 2017 आव बिथाड गलाय-गथाय जावजा बादायनायाव बिमुं देरहादों।

अस्ट्रेलियान अपेन: नभाक जकभिचआ देरहानायजों सेमि फाइनलाव, कक गफ आरों सबालेन्काआ मोगा-मोगि जालायगोन



मेलबर्न, 24 जानुवारी: साबियानि मुंदांखा टेनिस गेलेगिरि नभाक जकभिचआ अस्ट्रेलियान अपेननि सेमिफाइनलाव सौहैबाय। जौसिन मासिआव जायगा मोन्नाय जकभिचआ आमेरिकानि टेलर फ्रिट्सखों फेजेन्नामै बिमुनि फासैनि गेजेराव बे बादायनाया फ्राय 4 चन्दासिम सोलिदों। नाथाय बे समाव जकभिचआ बासिनै खाबु लानो हादों। बे माराथान मेचखों देरहानानै बिथाड खेब 11 थिनि थाखाय टुर्नामेन्टनि सेमिफाइनलाव

सौहैदों। बे खेबआव जकभिचआ जोबथा 4 आव यानिक सिनारजों मोगा-मोगि जालायगोन। सिनारआ गुबुन क्वार्टर फाइनलाव रासियानि आन्ड्रे रुबलेबखों गोखों नाजानायजों फेजेन्ना हादों। जकभिचआ फ्रिट्सखों मेचखों 7-6(7-3), 4-6, 6-2, 6-3 स्करआव देरहादों। मख'नो गोनांदि, बिथाड सोलिफु समसिमआव अस्ट्रेलियान अपेननि क्वार्टर फाइनलाव जेनफेराखै। खेब 24 ग्रेन्डस्लेम बिमुं देरहानाय जकभिचआ मेलबर्न पार्कआव

गासैबो खेब 10 सेमि फाइनल आरों फाइनलखों देरहाखांबाय। बिथाड बे खेबआव 48 थि खेबनि थाखाय ग्रेन्डस्लेमनि सेमिफाइनलाव सौहैदों। बे खेबआव जकभिचआ फेगौ 21 जानुवारीआ सिनारनि सेलेन्जआव ओंखारगोन। इटालीनि यानिक सिनारआ अस्ट्रेलियान अपेनआव मोजाडै दिन्थिफुदों। बिथाड गिबि खेबनि थाखाय टुर्नामेन्टनि सेमिफाइनलाव जायगा आवपिदों। ब्रैथि मासि मोन्नाय सिनारआ बाथि मासिन बादायारि रुबलेबखों

6-4, 7-6(7-5), 6-3 स्करआव फेजेन्दों। 22 बोसोर बैसोनि गेलेगिरिआ थानाय बोसोराव उडम्बल्डनआव जोबथा 4 आव सौहैनानै नाथ गेलेगिरि नैथि ग्रेन्डस्लेमनि सेमिफाइनलाव सौहैदों। अस्ट्रेलियान अपेननि सेमिफाइनलाव नैथि इटालीनि हौवा गेलेगिरि जानो हानाय बिथानि सिगां माटिय बेरेटिनीआ 2022 आव बे जाफु'नायखों मोन्दोंमोन। आइजोफोरनि केटेगिरिआव कक गफ आ इउके ननि मार्टा कस्त्युकखों 7-6(8-6), 6-7(3-7), 6-2 स्करआव फेजेन्दों। बे खेबआव गफआ सोलिफु सेम्पियन आर्यना सबालेन्कानि सेलेन्जआव ओंखारगोन। नैथि मेचआव बेलासुसनि सबालेन्काआ 9 थि मासिआव जायगा मोन्नाय चेरिपाब्लिकनि बरबरा क्रेजिकभाखों 6-2, 6-3 स्करआव फेजेन्दों। गफ आरों सबालेन्कानि गेजेराव बादायनो गोनां मेचआ फेगौ 25 जानुवारीआव खुंजागोन।

इउकेननि सा 65 रौनियाफोरखों लाबोनाय बिरखंआ जाब्रबथायाव गोव्लैदों

खारकिभ, 24 जानुवारी: सा 65 दावहानि कैदिफोरखों लाबोनाय रासियानि गंसे बिरखंआ जाब्रबथायाव गोव्लैयो। रासियानि बेलगर'द ओनसोलाव 65 इउके ननि दावहारुफोरजों लोगोसे रासियानि रौनिया रोगाथाय बिरखंआ जाब्रबथायाव गोव्लैयो। जाब्रबथायनि मोनसे भिडिअ'आव नुनो मोन्नाय जादोंदि, बिरखंआ गोखैथिजों गाहायाव फेगासिनो दं। आइ.एल.76 बिरखंआ पाइलटनि सामलायनायनि बायजोआव थानोंमोन आरों मोनसे थाग्रा जायगानि खाथियाव गोव्लैदोंमोन। खौरां एजेसि रिया नभस्तीआ रैखाथि मन्थि बिफानखों बुदोंदि, बिरखंआव सा 65 हमजानाय इउके ननि रौनिया हान्जानि मावथिफोर दंमोन। बेफोरखों



सोलाय-सोल' खालामोनो थाखाय बेलरद ओन्सोलाव लांनय जादोंमोन। बिथानों लोगोसे सा 6 क्रु मेम्ब्राफोर आरों साथाम एस्कर्टफोर दंमोन। बे बिरखं जाब्रबथायनि उनाव रासियानि एमपिआ दाबि खालामदोंदि, बे रौनिया बिरखंखों गंथाम मिसाइलजों गाग्लोबनानै गावखलायनाय जादों। बबेखानि बेखों दासिमबो मावख'आरि महरै रोखा

खालामनाय जायाखै। आरटी इन्डियाजों फोसाव जानाय मोनसे भिडिअ'आव रासियानि रौनिया हान्जानि गंसे रोगाथाय बिरखंखों हरखाबै गाहायाव फेनाय आरों मोनसे फिसा रिफाइनरीनिफ्राय एसे गोजानाव सौग्रावनाय नुनो मोनो। बे बिरखंआ लुशिन आइएल 76 मोन आरों बेनि लावथाया 164 फीट मोन। बिरखंआ गोव्लैनायनि उनाव अर

नांदोंमोन। रासिया आरों इउकेनआ दावहानि उनावबो कैदिफोरनि सोलाय-सोल'खों सोलिहोबाय थानो थाखाय माखासे दान सिगां मोनसे गोरोंबथायाव सौहैदोंमोन। बे बिरखंआव बैफोर केदिफोरबो दंमोन, जायनि बदलै रासियानि केदिफोरखों हगारनांगौमोन। बावैसो बे ओनसोलावोनो मोनसे मिसाइल गाग्लोबनायाव सा 25 सुबुंफोर थैदोंमोन।

रंजालि गथ'फोरनि सौरा

टेद्राकटिस खन्थाइ

हर
बिलि
जाबाबो
गुमुर मोनि
मा बादि मानसि जाखो नों दालाय

नों
बिदि
हरखों सान
खालामनानै
थुनलाइ सोरजिनानै माथो मोनदों
नों
बिदि
थुनलाइनि
मेल मिथिडव
थाडै थाडैरांसो हानि जादों

बै
शेबगां
बर'वा
जाबाय मालाय
मास्टार नोंहालाय मा दंजारोडो

-रैदोम बर',
माजदिया, बगुलामारि, बाक्सा

रुमिखों हास्थायो आं

सोर नुदों सोर खोनादों आंनि दुखु दाहाखों, दावसि दावसायासो साखि दं, नोंखों साननानै हासिं हाला बिबार बारि-बारी बेरायला बायनायखों नुनानै जरा-जरा बिदै सोबनो फैनय सिखिखि सुबुंफोरा आंखों मिनिलांबाय। नोंखों आं गोसो गोथारजों मोजां मोनो नाथाय नोंनिफ्राय अन्नाय मोनो लुबैयो आं, मानोनों गोसो हगार सारना होआ नों, नोंनि बेबायदि गोदै रावजों रायज्जालायनाय फोरखों लानानै जायो आं उसाव-बादाव, सोगोनि अलंबार बायदि बेफोरखों बावगार लांनंगौवा, आंनि गोसोआ हिमालय हाजो बायनाय बायदि बायनाय खाम्फा लुहैनो हायैबायदि आंनि मेगननिफ्राय निजोरा बोहैगोन अनजालि। रुमिनो गुबुननि थाखाय हांगार फिथर ब्लाबो आंनि थाखाय स'ना फिथर। गावखों बिबार बारि-बारी बेरायनायखों नुनायखाय, आंनि गोसोआ गनायगोन सान्ना आंबो बिबार बारियाव बेरायगलां बायो, नाथाय गावखों नुवाबा गोसोआ गनाया, मोना बिलि समाव थाडो आं नोंनि लांगोनायाव आंखों नेना थागोन सान्ना। नोंनि मिनिनायखों नुयोबोला गोसोआ आंनि अखा मोफ्लामनाय बायदि मोनो। रुमिखों हास्थायो आं अरायबो, लायजाम हरदोंमोन आं फिन्नाय मोनफिनासै, नाथाय.....बिबा सोरखों हास्थायदों?

गपाल रामचियारी
जिल्ला: बागसा (बि.टि.सि.)

सैया-सैया खालामो अनजालुआ आंखों

नै अनजालु नों आंखों गोजाननिफ्राय नुब्लानो, मानो एरा-एरा खालाम लाडो? मानिबा गोरोंथि बुंफलादों नामा आंलाय? ना माबाफोर दाय मावफलादों नामा? दिने नों आंखों गारनाय, गुबुनखों लानो सान्दों नामा? बिदिब्ला नों मानो आगोलाव आंखों मोजां मोनामोन? दाना मानो सैया-सैया खालामखो? सानदोंमोन नामा नों आंखों सान्नेसोनि, थाखायल' मोजां मोनफ्लानो, आंखों फालिसो खालामोनो सान्दोंमोन नामा नोंलाय अनजालु? आं नोंखों थैनायें थांब्लाबो नोंनि, महरखों बावनो हानाय नड। आंनि थायनै मेगनाव नोंनि, महरा जेब्लाबो साया-माया गेले फेबाय थागोन अनजालु। दाखालामसै नों आंखों सैया-सैया।

मुषिमा सबानि नार्जारी
भिलेज-नर्थ कचुगाँव
जिल्ला: कक्राझार।

हांगार

आंनि बिखायाव माबा खामदों! आंनि दुखु, आंनि गोजोन आरों गुवारै गोवसार होबावो आंनि मोन्दांथि मोन्दांथि नोंनि अननायनि रिब रिब सोदोबा। नोंनि अननायनि अरनि बोरला थिर बिखायाव थांखिना गावहरनाय मानोबा दोरफो दोरफो खामगिलहोयो, बै खामनाय हांगार आंनि बिखानि ईसिं-सा आबुं खालामो जानो हागौं नोंनि सिमा गैयि अननाया आंखों फारिये लांफागोन हांगार खालामना।

कुमार बसुमतारि
1 नं बिक्रमपुर, लखिमपुर

मागो

मागो दमासिया बयनिबो गोसोयाव लुफावथों गोजोन खुसि दाखालामथों अम्बासि दोरसि जुफियाब्लाबो बरादयाव बेदर-बोरमा अमा खासि गोजोने मोनजाथोंल' जोसा माइब्रानि सौराइ-सिथाव फिथा आसि।

सबिराम बर'
राबां, बागसा

खारों खान्दाय बिबार

आं हर गेजेरनि बारसे समायना बिबार मुंखों बुडो बयबो आंखों खारों खान्दाय हरावनो थुफियो, हरावनो बारो आरों हरावनो सिरिफिनो। अनसाया आरों लुबैया रावबो आंखों फोरखों लानानै जायो आं उसाव-बादाव, सान अख्रानि सान राजाजों नेवसि जानाय आंदि बारसे समायना बिबार। नाथाय मिथिगो दानखोमसि हरनि फुर्णिमा अखाफोर गावदांआ आंनि हासिंडे गाबनाय आरों मिनि फिन्नायखों हांमानि खन्थाय लिरनाय, दाहानि सल' लिरनायखों बियो बुरखायो अनसायनायजों आंखों फुबिलि जारं सानजों रंजानो फागुन दाननि सुदेम बारजों मोसागलांनो नाथाय हायाखिसै आं निन्दा आरों मुं सुनायनि बे सोमखे मोखांखों लानानै गावदां अखाफोरनि बोसोनखों लाखिनो।

मिस बनमि नार्जारी
काजलगाँव गोजौ फरायसालि
ला:सो-काजलगाँव
जिल्ला-चिरां, (बि.टि.सि.)

आंनि मेगननि फैसालिआव नों

मेगननि फैसालिआव हाबना थाबाय नों! आंनि गोबों बिखायाव अरायनि थाखाय जायगा लादोंमोन रजे.....नों....., माबोरै बावनो हाबावनो आं नोंखों सना। बावनो नाजबानो दाहानि निजोरायासो..... बोहैगलायो जेब्लाबो जिउआव.....।। गोबों बिखा सिंखाव-सिंखाव बोहैदोंमोन, नोंनि अननाया आंनि लायमोन सोलेराव..... नोंनोथ' जासि हरप्रोदोंमोन मोजां मोन्नायनि इसाराखों आंनो मुलुग संसाराव दिने..... नाथाय, दिने मा सानखो नों आंनि अननाय आरों मोजां मोन्नाय नों अनसुला सनाआ.....।। थार मोजां मोन्नायखों नंखाय खालामना..... गोथार अननायखों नेवसि गारना खालाम लांनोसै नामा नों आंखों लामानि सासे अननायनि बिबायारि महराव... नों जुदि आंनि गोबों बिखायाव हांमा होलांबा जानानै थागोन आं..... नोंजोंनो नेवसि गारजानाय गोथै सालिनि सासे भुत जानानै थागोन आं जोनोमाव। बावनो सानबाय नामा नों आंखों स.....ना।। दं खालि आंनि गोबों बिखायाव नोंनि ल' अननाय दिने....आरों थागोन अरायबो...।।।

थरायना राणी ब्रह्म
ला:सो: दतमा।
जिल्ला: कक्राझार।

हादर आरो समाजखौ साफ्रोमबो हिन्जावसाया साबसिन खालामो: गाहाइ मन्थि मदि

गोदान दिल्ली, 24 जानेवारी: हादरआव दिने माहारियारि हिन्जावसा सान फालिनाय जादों। बे जर'खा सानआव गाहाइ मन्थि मदिआ साफ्रोमबो हादरयारिफोरनो माहारियारि हिन्जावसा साननि हामलायथि बाउहरदों। लोगोसेनो बिथाड हिन्जावसाफोरनि मुखव ससेल मिडिया प्लेटफर्मआव मोनसे मेसेजबो होदों। गाहाइ मन्थि मदिआ गावनि मेसेजआव लिटरदोंदि, माहारियारि हिन्जावसा सानआव हिन्जावसाफोरनि गोगो सान्दाथि आरो जाफुंसारनायफोरखौ सेलुट खालामो। जों गासैबो बिथिडव साफ्रोमबो हिन्जावसाफोरनि आबुं गोहोखौ सिनायथिनो हादों। बिसोर सोलायनाय लाबोग्रा, जाय जोंनि हादर आरो समाजखौ साबसिन खालामो। जोंनि



सरकारआ मोनसे एरैबादि हादर दानायनि थाखाय गोखों नाजागासिनो दड, जेराव साफ्रोमबो हिन्जावसाआ सोलोनो, फरायनो आरो गोरों-गोर एबा गिदर गोलाव जानायनि खाबु मोनो। मख'जाथवदि, दिनेनि सान एबा 24 जानेवारीखौ बोसोरफ्रोमबो माहारियारि हिन्जावसा सान महैर फालिनाय

जायो। बे सानखौ 2008 निफ्राय फालिजेन्नाय जादोंमोन। हिन्जावसा सान फालिनायनि माखासे मख'जाथाव आयदाफोरबो दडआरो बे सानआ जोबोद मख'जाथाव। मानोना बेयो सुबु'फोरनो हादरआव हिन्जावसाफोरनि गोनाथि आरो बिसोरनि मोन्थायफोरनि बागै बयखौबो सांग्रं खालामो।

आसाम साहित्य सभानि मिरु चिलाराय सानखौ ढालिगायाव खुंफुंनो थि खालामबाय

बासुगाव, 24 जानेवारी: आसाम साहित्य सभया बे खेबाव चिरं जिल्लानि ढालिगायाव मुलुगनां जोहोलाउ चिलारायनि 514 थि जोनोम सान फोर्बोखौ फालियो। चिरं जिल्ला साहित्य सभानि बान्जायनायाव, बडइगाव जिल्ला साहित्य सभानि हेफाजाबाव आरो ढालिगाव दालाइ साहित्य सभानि सामलायथायाव फेगो 24 फेब्रुवारीयाव सानसेनि हाबाफारिजों चिलाराय सानखौ खुंनो थि खालामनाय जादों। बेनि थाखाय ढालिगाव दालाइ साहित्य सभानि मावखुलि खथायाव चिलाराय सान बान्जाय आफादनि आफादगिरि आरो चिरं जिल्ला साहित्य सभानि आफादगिरि हरिलाल बायननि सामलायनायाव खुंजानाय चिलाराय सान बान्जाय आफादनि मोनसे साखा-फारनि मेल खुंनय जायो। आसाम साहित्य सभानि

आफादगिरि नेहाथारि नयन मनि चौधुरीनि नुजाथि फेनायाव बे सानखौ खुंनयनि साखा-फारनि सोमोन्दे सावरायलायनायजों लोगोसे चौधुरीआ बायदि बोसोन होदों। चिलाराय सान बान्जाय आफादआ बे साननि हाबाफारिनि थांखि आजावनाय, गोसोखां लाइसिनि सिगांनय, जायगा थि खालामनायजों लोगोसे माखासे आयदायाव सावरयलायनाय थांखि आजावनाय जायो। चिरं जिल्ला साहित्य सभानि आफादगिरि हरिलाल बायनआ आसाम साहित्य सभानि सामलायथायाव खुंजानो गोनं मुलुगनां जोहोलाव चिलारायनि हाबाफारियाव रडजो-राजाफोरखौ हेफाजाव होफेनो हांखायदों। चिलाराय साननि साखा-फारा जानायनि नायसं बिजिरथाय मेलयाव बाहागो लाफेनाय आसाम साहित्य सभानि

आफादगिरि नेहाथारि नयनमनि चौधुरीआ आसाम साहित्य सभानि आफादगिरि डू सुर्ज कान्त हाज्रिका, गाहाइ नेहाथारि डू इन्द्रजित शर्मांमोनजों लोगोसे मिरु देदेनगिरि आफादआ हाबाफारियाव बाहागो लाफेगोन होना फोरमायो।

बेबायदिनो चिलाराय सान बान्जाय आफादनि नेहाथारि उतल चन्द्र रायआ चिलाराय साननि हाबाफारियाव बाहागो लानायनि थाखाय रडजो-राजाफोरनिमिसम खावलायहरदों। चिलाराय सान बान्जाय आफादनि साखा-फारा

जानायनि मेलयाव बडइगाव जिल्ला साहित्य सभानि आफादगिरि रहिनी कुमार चौधुरी, आसाम साहित्य सभानि मिरु मावफुंगिरि अमृत नारायन पाटगिरिमोनजों लोगोसे माखासे दालाइ साहित्य सभानि थान्देफोरबो बाहागो लाफेदों।

मानास माहारियारि पार्क फोनांजाब लामानि गाटिआव आन्सलिक आसुआ हेंथा सोमावसारदों

सालबारि, 23 जानेवारी: आसाम सरकारनि बिमा राव बिजों बेरेखा थांखि लानायनि हेंथायै दिने रडज्यो नाडेदुलाराय आसाम फरायसा आफाद (आसु) आ हेंथा सोमावसारनाय हाबाफारि खुंदों। रडज्योनि गुबुन गुबुन ओन्सोलजों लोगोसे बाक्सा जिल्लानि सालबारि महकुमा आरो मानास माहारियारि पार्क नांजाब लामायाव गाटि आन्सलिक आसुनि बान्जायनायाव बिमा राव बिजोंनि सोमोन्दे आसाम सरकारआ केबिनेटयाव थांखि लानाय फोसाव बिलाइखौ सावानाने हेंथा सोमावसारनाय हाबाफारि लायो। फरायसा आफादनि सोद्रोमाफोरा आसाम सरकार हाइ-हाइ, गिबि मन्थि हाइ-हाइ, सोलेंथाय मन्थि हाइ-हाइ, बिमा राव बिजोंनि सोमोन्दे आसाम

सरकारआ थांखि लानायखौ बन्द'खालाम बायदि स्ल'गान होनाने थासासिखौ गोमखां होदों। हेंथा सोमावसारनाय हाबाफारियाव बाहागो लानाने बाक्सा जिल्ला फरायसा आफादनि आफादगिरि जुबिन दासआ बावैसोयाव खुंजानाय गुन्सबयाव सानखांथि आरो बिगियान आयदायाव इराजि रावआव सोंथि बिलाइ सोर्जिनाने आसामआव असमीया राव फोजोबोसांनो लानायनि खेंसार सादों होना मख'नाने फरायसाफोरनि जिउखौ लानाने गेलेनयनिफ्राय जानागाराव थानो सरकारनिमिसम दाबि खालामो। सरकारनि थांखि लानायखौ सोलायाब्ला फेगो सानाव गिखंथाव हाबाफारि लागोन होना हुमखि होयो आफादगिरि जुबिन दासआ।

सिबिआइआ आसाम, त्रिपुरा, मणिपुर आरो दिल्लीजों लोगोसे मोन 16 जायगाफोराव सिग्रोमदों

गोदान दिल्ली, 24 जानेवारी : सिबिआइआ 60 कौटि रॉनि घुष लानाय केसआव रेलवेनि सा-7 मावसुमाफोर आरो गावयारि कम्पानि भारतीय इन्फ्रा प्रजेक्टस लिमिटेड (बिआइएपिएल) नि हेंथायै केस थिसन्दों। बे केसआ थानाय 2016 निफ्राय 2023 नि गेजेराव सा-सान्जा सिमना रेलवे बिथांखिफोरनि थाखाय 60 कौटि रॉनि घुष होनायजों लोब्बा गोनं। बेनि सोमोन्देयै केस थिसनयानि



उनाव आसाम, त्रिपुरा, मणिपुर आरो दिल्लीयाव दायनिगिरि बिबानगिरिफोर आरो कम्पनीजों लोब्बा गोनं मोन 16 परिसर (जायगा)फोराव सिग्रोमो। सिग्रोमनाय समाव बे केसजों सोमोन्दे थानाय फोरमानलाइफोर आरो दायनिगिरिफोरनि गेजेरजों सोररजनाय सम्पतिनि फोरमानलाइफोरखौ बोखांनो हायो। सिबिआइनि बिबानगिरिया फोरमायनाय बायदिब्ला, एफआइआरआव बै समनि लेडाइ गिबि बुंथिगिरिनिर्माण यमपाल, बै समनि लेडाइ गाहाइ बुंथिगिरि जितेन्द्र झा आरो बिबु लस्कर, बै समनि गागि बुंथिगिरि ऋतिराज गौ, धिराज भगभत, मन'ज सईकिया,

मितुन दास आरो बिआइएपिएलनि मुं दड। सिबिआइनि नुजाथिनाय केसआ थानाय बोसोरनि फेब्रुवारी दानआव 2 कौटि घुष लानाय केसआव सा-सान्जा सिमना रेलवेनि गागि सेक्सन इन्जिनियर सन्तष कु मारखौ ग्रं प्टार खालामनायनि उनाव होयो। बे समाव बिआइएपिएलनि न'जों लोगोसे गुबुनफोराव सिग्रोमनाय समाव बोखांनो हानाय फोरमानलाइफोरनिफ्राय खौरं मोनोदि, बिआइएपिएलआ रेल बिबानगिरिफोरनो 60 कौटि रॉनिखुइ बांसिन घुष होदों। कम्पनीया थानाय 2016 निफ्राय 2022 नि गेजेराव सा-सान्जा सिमना रेलवेनि बे मोन 6 गाहाइ बिथांखिफोरखौ मोन्दोंमोन।

राहुल गान्धीनि 11 थि भारत जड न्याय यात्राया आसामनि बरपेटानिफ्राय जागायबाय

गुवाहाटी, 24 जानेवारी : सिफिनफ्राय फेसा दिहुनाने लायो आरो बेनो बिनि खामानि। बेयो हादतनि बयनिखुइ थगायसुलासिन सिएम होना राहुल गान्धीया बुडे। सुलुखव फोरमायनाय बायदिब्ला आसामाव कंग्रेस दैदेनगिरि राहुल गान्धी, के.सि. भेनुगपाल, कन्हैया कुमार आरो गुबुनफोरनि हेंथायै केस थिसन्दों। बे गासैबोनि सायाव हिंसायारि जाथाय, थुन्जलायनाय आरो समाजयारि सम्पतिखौ ख'हा खालामनायनि दाय जाबसिन्दों। बेनि सोमोन्देयै समाया गावनि एक्स हेन्डेलआव लिटरदोंदि, कंग्रेस सोद्रोमाफोरनि गेजेरजों दिने हिंसायारि जाथाय, थुन्ज'लायनाय समाजारि सम्पतिखौ ख'हा खालामनाय आरो पुलिस मावसुमाफोरनि सायाव गाग्लोबनाय हेंथायै आइपिसिनि आर्टिकल 102 (बि) 143, 147,

सिफिनफ्राय फेसा दिहुनाने लायो आरो बेनो बिनि खामानि। बेयो हादतनि बयनिखुइ थगायसुलासिन सिएम होना राहुल गान्धीया बुडे। सुलुखव फोरमायनाय बायदिब्ला आसामाव कंग्रेस दैदेनगिरि राहुल गान्धी, के.सि. भेनुगपाल, कन्हैया कुमार आरो गुबुनफोरनि हेंथायै केस थिसन्दों। बे गासैबोनि सायाव हिंसायारि जाथाय, थुन्जलायनाय आरो समाजयारि सम्पतिखौ ख'हा खालामनायनि दाय जाबसिन्दों। बेनि सोमोन्देयै समाया गावनि एक्स हेन्डेलआव लिटरदोंदि, कंग्रेस सोद्रोमाफोरनि गेजेरजों दिने हिंसायारि जाथाय, थुन्ज'लायनाय समाजारि सम्पतिखौ ख'हा खालामनाय आरो पुलिस मावसुमाफोरनि सायाव गाग्लोबनाय हेंथायै आइपिसिनि आर्टिकल 102 (बि) 143, 147,



188, 283, 353, 332, 333, 427 आरो पिडिपिपि नेमखान्थि आर/डाब्लिउ 3 नि गेजेरजों केस थिसनबाय। थानाय मंगलबारखालि बेनि सिगां कंग्रेस मावसुमाफोरा पुलिसफोरजों लोगोसे दावराव-दावसि जादोंमोन। मानोना खुंथाया सहरआव गोबां होंगो-दोंहो बांनयखौ फोरमायनाय राहुल गान्धीनि भारत जड न्याय यात्राखौ

दोंगो सोमजिनयानि दाय जाबसिन्नाने राहुल गान्धीनि हेंथायै पुलिसनयाव केस थिसन्नो बिथोन होयो। शर्माया बनि सोमोन्देयै टुइट खालामना बुडेदि, बेयो असमिया हारिसुनि बाहागो नड। जोंनि रडज्योआ दरसे गोजोन रडज्यो। बेबायदि गाधि सोलोखांथिया जोंनि हारिसुनिफ्राय आलादा। कंग्रेस एमपि राहुल गान्धीया थानाय 11 जानेवारीआव मणिपुरनि थ'ब'ल'नि'फ'। य जागायदोंमोन।

टिएमसिआ कंग्रेसनि न्याय यात्रायाव बाहागो लानो नेवसिगारदों

गोदान दिल्ली, 24 जानेवारी: तुणमुल कंग्रेस (टिएमसि) आ थानाय मंगलबारखालि आसामाव कंग्रेसनि 'भारत जड न्याय यात्रा' याव बाहागो लायाखे होना बुंदों। बेनि माखासे घन्टा सिगां टिएमसिनि रडज्योयारि गाहाइआ बुंदोंमोनदि, पाटिनि मावसुमा आरो दैदेनगिरिफोरा कंग्रेसनि 'सान्जा-सोनाव' रेलिखौ मदत खालामदों। टिएमसिनि सासे गागि दैदेनगिरिआ सिट राननो सावरायनाया सिगाडवनो आबुं जाग्रोनांगो होना बुंदों। बे दावबायनाया आसामनि उनाव सोनाव बंगनि फारसे थानोन आरो आसामनि थुबुरीजो जानाने 25 जानेवारीयाव कच बिहार सौहेनो हागो। थानाय मंगलबारखालि माखासे सुबुंफोरखौ तुणमुल कंग्रेसनि फिर्फिला लानाने भारत जड न्याय यात्रायाव बाहागो लानाय नुनो मोन्दों, आसाम आफादनि गाहाइ रिपुन बराआ एक्सयाव मोनसे पस्टयाव पाटिनि सोद्रोमाफोरा बे दावबायनायाव बाहागो लादों होना खौरं होदों। बराआ उनाव गावनि पस्टखौ बोखारो, जेराव दावबायनायाव टिएमसि



मावसुमाफोरनि सावगांरिबो दड'मोन। पाटिनि सासे गागि दैदेनगिरिआ उनाव बुडेदि, टिएमसिआ मावख'यारि महैर कंग्रेसनि राहुल गान्धीनि दैदेनाय दावबायनायाव बाहागो लायाखे। थांखिखालाव माखासे मावसुमाफोरा गावसोरनि गोहोखों बेबाय हाबाफागोन। टिएमसि दैदेनगिरिआ बुंदों, सिगाडव सिट साननयनि सोमोन्दे सावरायनायाव गोनाथि होग्रोनय जागोन। टिएमसिनि गाहाइ रिपुन बराआ बेनि सिगां सानाव एक्सयाव दावबायनायाव पाटिनि बाहागो लानायनि सोमोन्दे पस्ट खालामदोंमोन, जेराव टिएमसि मावसुमाफोरनि सावगांरिफोरजों

लोगोसे पाटिनि फिर्फिला लानाने गान्धीखौ बरायदोंमोन। 'भारत जड यात्रा' आ वृहस्पतिवारखालि सोनाव बंगयाव हाबगोन।

आसाम राइफलनि सासे जवानआ सा 6 लोगोफोरनि सायाव गुलि गावनाने गावबो सुइसाइड खालामना लादों

इम्पल, 24 जानेवारी : मणिपुरआव भारत म्यानमार बर्डरआव थिसनजानाय आसाम राइफलनि सासे जवानआ गोब्राबै गावनि लोगोफोरनि सायाव फायरि खालामो। बेनि उनाव गावबो गुलि गावनाने सुइसाइड खालामना लायो। बुधवारखालि पुलिस बिबानगिरिया बे जाथायनि खौरं होयो। पुलिसनि बायदिब्ला, मणिपुरनि चन्देल जिल्लायाव आसाम राइफलनि सासे जवानआ सिगाडव गावनि मावसुमाफोरनि सायाव गुलि गावयो, जेराव खमैब्लाबो सा 6 जवानफोरा गोब्राबै जोखोम जायो। बेनि उनाव जवानआ गावबो गुलि गावना सुइसाइड खालामना लायो। बिथाडा फोरमायबावदोंदि, बे जाथाया



थानाय मंगलबारखालि हरनि समाव साजिक तम्पाक ओन्सोलाव जायो, जेब्ला आसाम राइफलनि जवानआ गावनि लोगोफोरनि सायाव गुलि गावयो। बेनि उनाव गावबो गुलि गावनाने सुइसाइड खालामना लायो। मणिपुर पुलिसआ एक्सआव पस्ट खालामना बुडेदि, बे दुखुंथाव जाथायखौ सोलिबाय थानाय हारियारि दाडबाजिजों सरकारबावो

नाड आरो बे आयदाखौ नोजोर होनो हायोदि, जोखोम जानायफोरनि गेजेराव रावबो मणिपुरनि जवान गैयामोन। बे जाथायखौ नायबिजिनो थाखाय बिथोन होनाय जाबाय। बिबानगिरिया फोरमायबावनाय बायदिब्ला, जोखोम जानाय मावसुमाफोरनि फाहामथाइया सोलिगासिनो दडआरो बिसोरनि थासासिया दिदोमैनो दड होना सुलुखव फोरमायदों।

कक्राझाराव गं 5 पिग मिसन सार्भिस भेहिकल...

सुखानायजों लोगोसे सामफ्रोमबो 1 लाख कि:जि: अमा बेदेर दिहुन्थायनि थांखिजों पिग मिसन एबा अमा बिथांखि आयदा फारिनि मख'जाथाव बिथांखि मोनसे जागायजेन्दोंमोन। बेनि थाखायनो बे बिथांखिखौ जाफुंसारे खुंनयाव जाहाथे अमा फिसिग्राफोरा जायथि-जाया थासासियाव जेनाजों मोगा-मोगि जानाड आरो अमाफोरा बायदि बेयमजों सन्देखानाय लोगो-लोगो फाहामथायनि सिबिथाय मोननो हायो, बेनि थाखाय बे एम्बुलेन्स सिबिथायखौ मोनो हादों होना जागायजेन्ना मिबिथिहोदों बिटिसिनि पिग मिसननि बोसोनगिरि भगत कुमार दत्तआ। बिथाड लोगोसे खौरं बिजोडव बिटिसिनि दर 5 जिल्लायावनो बे एम्बुलेन्स सिबिथायखौ होनाय जागोन होना फोरमायनाय बिथाड अमा फिसिग्राफोरनि थाखाय थबेनो टल फ्रि नम्बर जागायनाय जागोन होना मिबिथिहोयो। मख'नो गोनांदि, अमा फिसिग्राफोरनो आधिखालाव अमा फिनयानि सायाव फोरंथाय होनाय जादों होनानैबो बिथाड फोरमायबावदों। बिथाड जाय थांखिजों अमा बिथांखिखौ जागायजेन्ना जादों बेयो जाफुंसारनायनि बिथिडव दिनेनि एम्बुलेन्स सिबिथायनि गेजेरजों आगानसे सिगांनय जागोन होना मख'नाने अमा फिग्राफोरखौ जाफुंसार होनायनि थाखाय हामलायथि बाडयो।

(1 बिलाइनिफ्राय)

(1 बिलाइनिफ्राय)

राइज्यो सरकारा रांखान्थियारि महरै लोरबां सुबुंफोरखौ फोजौखांनो थाखाय थाद'नाय गैयै..

कार्ड रनाने होयो। मख'नो गोनांदि, नाजिरा बिधान सभा बियाबनि थाखाय गं 8,411 नख'रनो रसन कार्ड होनाय जागोन। नाजिरा बिधान सभा बियाबनि गं 43,692 नख'रफोरा आधिखालाव रसन कार्ड मोनो हादों। दिने गोदाने सोस'न्याय मुलामफागिरिजों बियाबाव गासै गं 52,103 नख'रफोरा मुलामफा मोनो हागोन। हाबाफारियाव गिबि मन्थि ७ शर्मांआ बुडेदि, बे रसन कार्ड मोनो हानायनि थाखाय नख'रनि आजिथायखौ 2 लाख गं थि खालामनाने होनायनि थाखाय गोबां नख'रफोरा माहारियारि आदार रेखाथि आइनि सिडव रसन कार्ड मोनो हाथाव होनाने सानजानाय जायाखेमोन। बेनि थाखाय रडज्यो सरकारा आजिथायनि सिमाखौ 4 लाख रंसिम बांहोनायनि थाखाय थांखि लायो। जाहाथे बांसिन अन्जिमानी सुबुंफोरा बे रसन कार्डनि खाबुखौ मोनो हायो। बेनि जाउनाव नाजिरा बिधान सभा बियाबनि उफ्रायै गं 8,411 नख'रफोरा रसन कार्डनि थाखाय रेजिस्ट्रेसन खालामनो हादों होनाने बिथाड बुडे। बिथाड बुंबावोदि, बावैसो गं 8,411 नख'र सोस'न्यायनि जाउनाव बियाबनि गासैबो मुलामफायारि नख'रनि अन्जिमानी गं 52,103 नख'रसिम बांवाय। गिबि मन्थिआ बुंबावोदि, माहारियारि आदार रेखाथि आइनि सिडव जाहाथे गासैबो रोखोमनि खाबुखौ मोनो हायो बेनि थाखाय रडज्यो सरकारा थाद'नाय गैयै खामानि मावबोदों। बे थांखिजों रडज्यो सरकारा आदार सिबिथाय सपाहा फालिबोदों। दासान्दि गाहाय थाखायाव बेनि गोहोमखौ नुनो मोन्दों होनानैबो बिथाड बुडे। गिबि मन्थिआ बुंबावोदि, रसन कार्डनि गेजेरजों दानिया माइरल' मोनयाव सिमा गोनं जानाने थानाय नड। रसन कार्ड मोनो हानाय नख'रफोरा गुबुन गुबुन गोबां खाबुफोरखौ मोनो हागोन होना मख'नाने गिबि मन्थिआ बुडेदि, आयुष्मान भारतनि गेजेरजों गंग्रोमबो नख'रनो 5 लाख रॉनि फाहामथायनि खाबु होगोन। बिथाड बुंबावोदि, रसन कार्ड मोनो हानाय नख'रफोरा उज्जला बिथांखिनि खाबु मोनो हागोन। जात्रबथायजों थैनायनि इनसुरेन्स आरो जीवन बीमनि बायदि खाबुफोरखौ मोनो हानो थाखाय रडज्यो सरकारा सान्नाय-हनाय खालामदों होनानैबो बिथाड बुडे। लोगोसे 2026 माइथायनि गेजेराव रसन कार्ड मोनो हानाय नख'रफोरनो अरुन्दय बिथांखिनि मुलामफागिरि महरेखो सोस'नो थाखाय सान्नाय-हनायबो खालामगासिनो द होनाने बिथाड बुडे। गिबि मन्थिआ बुडेदि, आसामनि रडजो-राजाफोरनि फारफ्रोमबो बिथिनि जौगाथायनि थाखाय 24 घन्टा खामानि मावबोदों। सरकारि साब्रिआव थिसन्थाय होनायखौ गेबेडे मावफुंनय जादों होनानैबो बिथाड बुडे। गिबि मन्थिआ बुडेदि, मिशन बसुन्धर 2.0 नि खामानिफोरनो गोखोडे सोलिगासिनो आरो फेगो दानाव बेनि सिडव गोबां बिबांनि आर'ज खालामगिरिफोरनो हानि पाट्टा होनाय जागोन। दिनेनि बे हाबाफारियाव सोलेंथाय बिफननि मन्थि डः रन पेगु, खाजोनो आरो खेफोद साममलायथाय बिफननि मन्थि जेगोन महन, एमपि कामाखारि प्रसाद तासा, एमएलए तरंग गौ आरो दिम्बेस्वर कुँवरजों लोगोसे माखासे मेलेमजिबि सुबुंफोराव बाहागो लायो।

(1 बिलाइनिफ्राय)

सा-सान्जा हारिमुवारि फोर्बो गाजा-गोमजायै...

हारिमुवारि मोनाबिलिखौ आलारि बाथि फोजोंनायजों गोथारि बेखेवना होयो सिदली बिधान सभा बियाबनि एमएलए जयन्त बसुमतरिआ। सा-सान्जाजों लोगोसे हादतनि माखासे रडज्योनि हारिमुवारि हान्जाफोरबो नुजाथि फेनाय सा-सान्जा फोर्बोआ हारि-हारिसानि गेजेराव हारिमुवारि, खौसेथि, बिदा-फंवाय सानलायनायनि सोमोन्दे गोनं जागोन बे हारिमुवारि फोर्बोआ। मख'नो गोनांदि, हारिमुआ खालामा मोनसे हारिनि जिउमा, हारिमुआ जायथि-जाया सोरगिदि सिमना गैया बेनि थाखायनो हादतनि गाव गोनं हारि-हारिसानि मुदांखा हारिमु-आरिमुआ दरसे भारत आरो गोखोंथा कालास इन्डिया फोर्बोआ बिदा-फंवाय सानलायनायनि दौलेंखौ गोखों खालामना लासिगोन। फोर्बोनि गेजेरजों मोनसे हारिआ गुबुन सासेनि गेजेराव हारिमुवारि सान्नाय-हनायजों गोरोबलायनायनि मोनसे जौसां सोर्जिजामोन। मंगलबारनिफ्राय जागायजेन्नाय सा-सान्जा फोर्बोआव सा-सान्जा नि दर 8 रडज्योनि अनगायैबो जम्मू काश्मीर, हारियाना, मध्य प्रदेश, गुजरात आरो उरिष्याजों लोगोसे हादतनि दर 13 रडज्योनि हारिमुवारि हान्जाफोरा गाव-गावसोरनि हारिनि हारिमुवारि दिन्थनायजों गाव गोनं सोर्जिजों बड'फा कालसारेल कमप्लेक्सनि जौसांखौ। सा-सान्जा फोर्बोनि हारिमुवारि मोनाबिलियाव मनुिपुरनि लाइ हाथबा, नागालेन्डनि आब हाडैन्स, मेघालयनि वांगाला, त्रिपुरनि ममिता, मिजोरमनि सेरा, सिक्किमनि सिंघिसाम-याक्सा, जम्मू काश्मीरनि रैफ, हारियानानि फाग, गुजरातनि सिन्धमाल, मध्य प्रदेशनि बादाय, उरिष्यानि सम्बलपुर मोसाना दिन्थनाय नुजाथि फेनाय नायगिरिफोरखौ गोसो मोजां मोनहोगोन। कक्राझार चान्दामारियाव बड'फा कालसारेल कमप्लेक्सयाव सानैनि हाबाफारिजों खुंजानाय सा-सान्जा हारिमु फोर्बोयाव नायगिरि रडजो-राजाफोरजों मोजां मोनजादों। सा-सान्जा नि दर 8 रडज्योनि अनगायै हारियाना, जम्मू काश्मीर, मध्य प्रदेश, गुजरात बायदिजों लोगोसे गासै दर 13 हारिनि हारिमुवारि हान्जाफोरा गाव-गावसोरनि हारिमुखौ मोसाना दिन्थदों। मिरु सरकारनि हारिमु बिफाननि सा-सान्जा मन्डलनि बान्जायनायाव आरो बिटिआर सरकारनि हेफाजाबाव खुंजानाय गौरं हारिमुवारि फोर्बोनि दिने जोबथा सानाव अस्ट लक्ष्मी रंगलि मुनि हारिमुवारि हाबाफारिजों एमएलए लरेन्स इस्लारिआ बेखेवना होदों। गुबुन फारसे, जोबथा हारिमुवारि मोनाबिलिखौ आलारि बाथि फोजोंनाने बिटिआरनि गाहाइ मावफुं सोद्रोमा प्रमद बर'आ बेखेवना होदों।

(1 बिलाइनिफ्राय)

कक्राझारनि ग्रिनफिल्डआव एबसुआ बिटिआर गोरोबथा ...

साखा-फारा जादों। एबसुनि बिटिआर गोरोबथा सान फालिनो थांखि लानायखौ दिने मिरु एबसुनि गाहाइ नेहाथारि खनिन्द्र बसुमतारीआ खौरं बिजोंनि गेजेरजों मिथिहोदों। बिथाड फोरमायनाय बायदिब्ला, सानसेनि मेहेर गोनं हाबाफारिजों बिटिआर गोरोबथा सानखौ कक्राझार जिल्ला एबसु आरो चिरं जिल्ला एबसुजों लोगो नानाने फेगो 27 जानेवारीखालि कक्राझारनि ग्रिनफिल्डआव खुंनो थाखाय थांखि लानाय जादों। हाबाफारि बायदिथै फुबिलि समाव दतमानि थुलुगाफुंरियाव थानाय बड'फा उपेन्द्रनाथ ब्रह्मनि हाखरसालियाव बिबार बाउहेगोन। बेनि उनाव कक्राझार ग्रिनफिल्डआव दुलाराय बर' फरायसा आफादनि फिर्फिला बिरहोनाय हाबाफारि, फिर्फिलाखौ बिरहोगोन एबसुनि आफादगिरि दिपेन बर', बड'फा उपेन्द्रनाथ ब्रह्मनि सावगांरियाव बिबार बाउनाय हाबाफारि, बिबार बाउजेनगोन बर' थुनलाइ आफादनि आफादगिरि ३ सूरत नाजरी, मुंख्लंफोरनो बिबार बाउनाय हाबाफारि, बिबार बाउजेनगोन बड'लेण्ड मुलुग सोलेंसालिनि रेजिस्टार ३ सुबुं बसुमतरिआ। गोरोबथा सान फालिनायनि लोब्बायैनो कक्राझार सहराव मोनसे गोजोननि हान्जा सूरनाय हाबाफारि लानाय जागोन। हान्जा सूरनाय हाबाफारिनि उनाव मोनसे गेवलं मेल लानाय जागोन, जेराव बिटिआरनि गाहाइ मावफुं सोद्रोमा प्रमद बर'आ गाहाइ आलासि महरे बाहगो लाफेगोन। लोगोसे बिटिआर गोरोबथाथि सागानगिरि आफादफोर आरो गुबुन गुबुन माहारियारि आफादफोरनि दैदेनगिरिफोरखौ बे हाबाफारियाव बाहागो लानो थाखाय हांखायनाय जादों होनाने फोरमायदों एबसुनि गाहाइ नेहाथारि खनिन्द्र बसुमतारीआ। बेजों लोगोसेनो सानसेनि हाबाफारिजों खुंनो लानाय बे बिटिआर गोरोबथा सान फालिनाय हाबाफारियाव बाहागो लाफेनो थाखाय कक्राझार आरो चिरं जिल्लोनि साफ्रोम रडजो राजाफोरखौ हांखायहरदों। बेराफारसे, फेगो 30 जानेवारीखालि एबसुनि खुंनय मिरु रेंगोसा साइख' आन्जाद-2023 आव उथ्रिसार जानो हानाय फरायसाफोर आरो बावैसो सानफोर सिगां फोसावनाय एपिएससि आन्जादआव जाफुंसारनाय सा 39 बर' बिजाथिफोरखौ चिरं जिल्लानि मंगलियान बाजारआव बरायनाय जागोन होनानैबो फोरमायो एबसुनि गाहाइ नेहाथारि खनिन्द्र बसुमतरिआ।

(1 बिलाइनिफ्राय)

अजय देवगान-आर माधवननि शैतान सावथुननि टिजारआ 25 जानुवारिखालि रिलीज जागोन

अजय देवगानआ बलिउडनि बै सुपरस्टारफोरनि गेजेराव सासे, जायफोरा गावनि सावथुनजों एक्सपेरिमेंट खालामनायनिफ्राय माब्लाबाबो जानगार जानानै थाया। सोलिफु 2024 बोसोराव अजय देवगाननि माखासे गिदिर सावथुनफोर फैनो गोनां दड। बेफोरनि गेजेराव लहित शैतानि सिंधाम एगेननिफ्राय लानानै मैदान आरो रेड 2 बायदि माखासे गिदिर सावथुनफोराबो दंफायो। अदेबानि बेफोर सावथुनजों मोनसेबाव गोदान मुडा सरजाबफादों। बे सावथुनआनो जाबाय शैतान, जायनि पस्टारखौ बावैसो सिगां अजय देवगानआ फोसावदोंमोन। सावथुननि गिबि पस्टारखौ रिलीज खालामनायजों



लोगोसेनो अजय देवगानआ गावनि अन्सायगिरिफोरनो मिथिहोदोंदि, शैतान सावथुननि दोहौ गोनां टिजारखौ नायगिरिफोरा माब्ला नुनो मोनगोन। खौरनि बादिल्ला, अजय देवगाननि सावथुन

शैताननि सल'आ मोजांनि सायाव गाञिआ देरहासार जानायखौ दिन्थिनाय जादों। सावथुनआव दिन्थिनाय जादोंदि, माबोरै गासै नख 'रानो धोरोमनि सायाव फोथायनाय दड। नाथाय बिसोरनि गेजेराव सासेआ

शैताननि गोहोनि सायाव फोथायनाय दड। अजय देवगानआ बे सावथुननि गिबि पस्टारखौ रिलीज खालामनायनि उननिफ्रायनो अन्सागिरिफोरा सावथुननि टिजारखौ नुनो थाखाय गोसो गुडुडै नेनानै दड।

सुपरस्टार देवगानआ सावथुननि ट्रेलरआ माब्ला सोराडाव फैगोन बेखौबो रोखा खालामनानै होदों। बावैसो सिगाडाव फावखुंगुरआ गावनि मावख'यारि इनस्टाग्राम एकाउन्टआव मोनसे गोदान पस्टार शेयार खालामनायजों लोगोसे मिथिहोयोदि, गावनि मस्ट एवाइटेड सावथुन शैताननि टिजारआ सुबुंखान्थि सान एबा 26 जानुवारिनि सानसे सिगां सोराडाव फैगोन।

अन्सायगिरिफोरा 25 जानुवारिआव शैताननि टिजारखौ नुनो मोनगोन। गिबि खेब सावथुनआव अजय देवगानजों लोगोसे आर माधवनखौबो नुनो मोनगोन। गिबि खेब अजय देवगान आरो आर माधवनआ स्क्रीन शेयार खालामगोन। बिसोर सानै फावखुंगुरफोरनि अनगायै सावथुनआव साउथ स्टार ज्यतिकाखौबो गाहाइ फाव खालामनाय नुनो मोनगोन। भिकाश बहलनि बिथोन होनायाव बानायनाय शैतान सावथुनआ फैगो 8 मार्चआव सिनेमा हलफोराव रिलीज जागोन।

माहाम देहानि राहा

नोरसिं बिलाड़खौ उदै खालियाव जानायजों देहानि जेनाफोरखौ जानगार खालामनो हायो

सम सम न'आव नोरसिं बिलाड़खौ जाग्रा आदारनि स्वादखौ टेस्टी बानायनो बाहायनाय जायो। बे बिलाड़आ जाग्रा आदारखौ मोदोम होयो। मख'नो गोनांदि, नोरसिं बिलाड़आ स्वाद गोनां जानायजों लोगोसे देहानि थाखायबो मुलाम्फा गोनां जायो। बेवहाय आयरन, फेटस, प्रटिन, केलिसियाम, भिटामिन- सि बायदि गोबां गुनफोरखौ मोन्नाय जायो, जाय देहाजों सोमोन्दो गोनां माखासे जेनाफोरखौ जानगार खालामनायाव मदत मोनो। नोंथाड बेखौ उदै खालियाव जायोब्ला नोंथाड गोबां मोजां मुलाम्फाखौ मोन्नो हायो। (1) नोरसिं बिलाड़आ देहाआव बेड कलेस्ट्रलखौ कन्ट्रल खालामो। जायजों बिखाखौ गाहामसिनै लाखिनायाव मदत मोनो। बेवहाय थानाय भिटामिन- सि, भिटामिन- ए आरो भिटामिन- इ आ बिखा आरो देहानि



थाखाय मुलाम्फा गोनां मानि जायो। (2) डायबिटिसनि बेरामिफोरनि थाखाय नोरसिं बिलाड़आ गोबां गाहाम जायो। बेखौ सानफोमबो जानायजों ब्लाड सुगारनि थाखोआ सरासन्हा जायो। सुगारआ कन्ट्रलआव थानायजों जॉनि किडनी, मेगन आरो बिखाआ गाहामै थायो। (3) फुनि समाव उदै खालियाव नोरसिं बिलाड़खौ जानायजों दोगोननि सोमोन्दो गोनां जेनाया जानगार जायो। बेवहाय मोन्नाय एन्जाइमआ दोगोननि थाखाय मुलाम्फा गोनां जायो, भिटामिन, आयरन आरो

फसफरासजों बुंफबनाय नोरसिं बिलाड़आ नोंथानि खानायनि जराखौ गोखों खालामनायआव मदत गोनां फोरमान जायो। (4) माखासे सुबुंफोरा ओरैबायदि दड, जायफोरनियाव मर्नि फिकनेस जायो। बिसोरनि बे जेनाखौ नोरसिं बिलाड़जों सुस्नानो हायो। बे नि फाहामथायनि थाखाय फुनि समाव उदै खालियाव बे बिलाड़खौ जानांगो, बेखौ बाहायनायजों देहायाव आराम मोन्नो हायो।

अयध्यानिफ्राय सोराडाव फेनाय सावगारिनि सायाव फावखुंग्रि कंगनाआ फिनजाथाय होदों

बलिउडनि मुंदांखा आरो सासे गोखों फावखुंग्रि कंगना रनटआ आथिखालाव इमार्जेन्सि सावथुननि थाखाय खौराडाव साग्लोबसारनानै दड। बिनि बे सावथुनआ माखासे दाननि उनाव रिलीज जागोन। सावथुनआ रिलीज जानायनि सिगां फावखुंग्रिआ अयध्याआव राम मन्दिर बेखेवनाय हावाफारिआव बाहागो लादों। बेनि उनाव फावखुंग्रिआ जय श्रीराम स्तगान होनानै बे जारिमिनारि सानखौ रंजा-बाजायै फालिदों। नाथाय बेनि अनगायै कंगना रनटआ गुबुन मोनसे जाहोनआव ट्रेडिं लिस्टआव सौफेदों। अदेबानि कंगनाआ माबा नडा माबा मोनसे जाहोनआव लाइमलाइटआव थाबाय थायो। बे खेबआव फावखुंग्रिआ सावथुननि थाखाय नडा, पार्सनेल लाइफनि थाखायसो खौराडाव गोसारदों। ऋतिक रशनजों रिलेसनआव



थानायनि खौराफोरखौ लानानै ल। इ। म। ल। इ। ट। व। साग्लोबसारनाय कंगनानि मुड इज माइ ट्रिपनि क-फाउन्डर निसान पिटिजों सरजाबजादों। अयध्यानिफ्राय बिसोर सानैनि जयै लानाय सावगारिआ सोराडाव फैनानि उनाव बिसोरनि गेजेराव रिलेसन थानायनि सन्देहआ गोखोंसिन जादों। अदेबानि राम मन्दिर प्राण प्रतिष्ठा हावाफारिनिफ्राय कंगना आरो निशान्तिन सावगारिआ गुबुन गुबुन समनि आरो आलादा-आलादायै सोराडाव फेदों। डिएनएनि रिपर्ट बादिल्ला,



जायखौ थि सम सौफेयोब्ला गावनो फोस्मायथिगोन। कंगना आरो निशान्तिन सावगारिआ सोराडाव फैनानि उनाव सुबुंफोरा गोबां शेयार खालामदों आरो कमेन्टबो होदों। सासे इउजारआ कंगना की हो रही बेड ट्रिप होन्ना लिखनायाव कंगनाआ इज माइ ट्रिप होन्ना बुंदों। गुबुन सासे इउजारआ कमेन्टआव मालट्रिपआव थाडल्लासेनो मालट्रिप जाबाय होन्ना बुंदों। गुबुन सासे इउजारआ लिदों, बि सुबुड गावजों मा जागासिनो दडबेखौ मिथिया। कंगना रनटनि प्रफेसनेल लाइफनि बाश्त्रा बुडेब्ला फेन्सफोरा फावखुंग्रिखौ भारतनि गिबि आरो सासेल' आइजो गाहाइ मन्थि इन्दिरा गान्धीनि फाव खालामनाय नुनो मोनगोन। कंगनानि इमार्जेन्सि सावथुनआ सोलिफु बोसोरनि फैगो 14 जुनआव रिलीज जानो थांगासिनो दड।

बडे मिया छते मिया सावथुननि टिजारआ रिलिज जाबाय

अक्षय कुमार आरो टाइगर श्राफनि सावथुन 'बडे मिया छते मिया' आ 2024 नि मस्ट अभेटेड मुभि। फेन्सफोरा थानाय माखासे साननिफ्रायनो बे सावथुननि टिजारखौ नेगासिनो दड। आथिखालाव अक्षय आरो टाइगर आरो बे नेनानै थानायखौ फोजोबनानै बुधबारखालि बेनि टिजारखौ रिलिज खालामना होयो। बडे मिया छते मिया सावथुनआ गिदिर बाजेटनि, जाय एक्सन आरो कमिडि मोनैखौबो दिन्थियो। बेबायदियाव सावथुनआ लानिश्चयै नायग्राफोरनि नोजोरखौ बोगासिनो दड। बडे मिया छते



मियाआ मोनसे एक्सन सावथुन जानो थांगासिनो दड, जायनि दिन्थिनायखौ टिजारआव नुनो मोनगासिनो दड। अक्षय कुमार आरो टाइगर श्राफआ बे सावथुनआव सलजार्नि फाव लादों। सानैखौबो टिजारआव फुल अन एक्सन मडआव नुनो मोन्दों। बेराफारसे बे सावथुनआव भिलेननिबो बिफाव दड; जाय हिर'जों समान फाव दिन्थिदों। अक्षय कुमारआ गोबां समनिफ्रायनो मोनसे हिट सावथुननि थाखाय नेगासिनो दडमोन। बेबायदियाव बडे मिया


छते मियाखौ लानानै एक्टरआ जेबो खाबुखौ हगारनो लुबैयाखै। फेन्सफोरनि गेजेरजों बे सावथुननि आपडेटखौ शेयार खालामगासिनो दड। बिथाड माब्लाबा गोदान पस्टार, माब्लाबा रिलिज डेटनि रिमान्दार आरो सावथुनखौ लानानै सुलुडाव थाबाय थादों। बे सावथुनखौ आलि अब्बास जफरआ डइरेक्सन खालामदों। बेराफारसे पुडा एन्टरेटेमेन्टआ बे सावथुनखौ प्रडिउस खालामदों। फार्सेथि रिलिजनि बाश्त्रा बुडेदि, थानाय 2023 आवनो अक्षय

कुमारआ फेन्सफोरखौ गोबाव सम नेनांगोन होन्ना फोरमायखादोंमोन। नाथाय 2024 नि जागायनायाव बिथाड सावथुननि रिलिज डेटनि सोमोन्दैयै फोरमायदों। अदेबानि बे सावथुनआ बे बोसोरनि इडनि खाबुआव रिलिज जागोन। बे सावथुननि एक्सनआ बिनि बयनिखुइ देरसिन हाइलाइट। सावथुननि माखासे स्टान्ट सिनफोरखौ हलिउडनि एक्सन एक्सपार्टनि टीमजों लोगोसे शुट खालामदों। बेनि अनगायै स्टार कास्टनि बाश्त्रा बुडेब्ला अक्षय कुमार आरो टाइगर श्राफजों लोगोसे बेबाय सनाक्षि सिन्हा, मानुषी छिल्लार आरो अवाया एफआबो दंफायो। साउथ एक्टर पृथ्वीराज सुकुमारनआबो बे सावथुननि बाहागो जादों। बिथाड बे सावथुनआव भिलेननि बिफाव लादों।

हनुमान सावथुनआ बक्स अफिसआव दोहौ सोमजि होदों

तेजा सज्जनि सावथुन हनुमाननि आर्जिनानयनि गोखैथिआ गोजों फार्से थांगासिनो दड। बक्स अफिसआव बे सावथुनआ गोखों दोहौ लाबोगासिनो दड। मंगलबारखालिबो हनुमान सावथुनआ गोखों फालांगि खालामनो हायो। बेजों लोगोसेनो सावथुनआ मोनसे गोदान रेकर्ड सोर्जिनानयनि फार्से आवगायलाडो। रिलीज जानायनि उननिफ्रायनो हनुमान सावथुनआ थियेटरफोरव गोखों दिन्थिफुनो नाजाबाय थादों आरो लानिश्चयैनो मख'जाथाव फालांगि खालामगासिनोबो दड। हनुमानआ बाइड बाजेटआव खालामजानाय तेलेगु सावथुन,

जायखौ हिन्दी रावआवबो जोबोद मोजां मोन्नाय जादों। सावथुनआ गावनि गोखों भिएफएक्सनि थाखाय बांसिनै बयनिबो नोजोर बोनो हादों। बेनो गुबै जाहोनदि, प्रमसन खालामालासेनो हनुमानआ बक्स अफिसआव आवगायलांगासिनो दड। मख'जाथावदि, बक्स अफिसआव हनुमानआ 8 कौटि आञिथायजों जागायदोंमोन। बेनि उनाव सावथुननि आञिथाया लानिश्चयै आवगायगासिनो दड। जर'खायै उडेकन्डआव हनुमान सावथुनआ साबसिनै आर्जिनो हादों। सावथुननि लेटेस्ट कालेक्सननि बाश्त्रा बुडेब्ला रबिबारखालि



हनुमान सावथुनआ 17.6 कौटि आञिनो हादों। सावथुनआ नैथि मान्डे टेस्टआवबो मोजां रोखोमै फालांगि खालामनो हादों। जेराव हनुमानआ 6.95 कौटि आञियो। बेनि उनाव सावथुननि आञिनाया सरासन्हा दावखलायो। बे सानआव एबा 23 जानुवारिखालि सावथुनआ हादरनाडै 4.65 कौटि आञिनो हायो। बेजों लोगोसेनो

रिलीजनि उनाव 12 सानआव हनुमानआ गासै 143.65 कौटि नेट फालांगि खालामनो हायो। बेनि उनाव सावथुनआ 150 कौटि आञिनानै गोदान रेकर्ड सोर्जिनानयनि फार्से आवगायलांगासिनो दड। हनुमान सावथुनखौ प्रशान्त भर्माआ बिथोन होदों। बावैसो सिगां बियो अयध्यानि राम मन्दिर बेखेवनाय खाबुआव बे

सावथुननि नैथि खोन्दोखो बानायनोबो फोसावदों। बिथानि बादिल्ला हनुमाननि उननि खोन्दो एबा पार्ट-2 नि मुड जय हनुमान जागोन।

समर्थ जुरेलआ भिक्की जैन आरो अंकितानि सोमोन्दैयै बाश्त्रा फोरमायदों

कन्ट्रभासिं ये ल रिगेलिटि बिग बस-17 नि ग्रेट फिनलेया बार गोबाव गैलिया। फिनले राउन्डनि सिगां बयजोंबो मोजां मोनजाग्रा भिक्की भैया एबा भिक्की जैननि दावबायनाया जोबना थांबाय। फेन्सफोरा बिखौ टप-5 आव सौहैगोन होन्ना मिजिं थिदोंमोन। नाथाय आथिखालाव फेन्सफोरा भिक्कीखौ



फाइनालिस्टआव थानाय नुनो मोन्नाय नंलिया। बेराफारसे भिक्कीनि सिगां समर्थ जुरेलनि दावबायनाया स्व'निफ्राय जोबना थांबाय। एथिक्क जानायनि उनाव समर्थआ मिडियाआव माखासे खेब इन्टरभिड होयो। बिथाड अभिषेकजों लोगोसे गावनि राइवलारिनि सायाव बाश्त्रा सावरायनायजों लोगोसेनो नख'रनि सुबुंफोरनि माखासे सेक्रेट बाश्त्राफोरखौबो फोरमायदों। बे समाव समर्थआ अंकिता आरो भिक्कीखौ लानानै मोनसे बाश्त्रा फोरमायदों। जायखौ खोनानानै बयबो मुगैखानो हागों। बावैसो समनि सिगां भाटी सिंह आरो हर्ष लिम्बासीयाजों लोगोसे बिनि पडकास्टनि सायाव समर्थआ विक्कीनि सोमोन्दैयै माखासे गोमोथाव बाश्त्राफोर

फोरमायदों। बिनियाव जेब्ला न'नि सिडाव सोर कन्टेस्टेन्टआ दुगैया होन्ना सौथि सौनायाव समर्थनि मुं लादों। समर्थया फोरमायदोंदि, भिक्कीया गोबां सानसिम दुगैया। खेबसेथ' गोजां बोथोरनि उनाव बियो रेकर्ड खालामदोंमोन। बियो सान्थाम सानब्रैसिम दैया आरो गांसे ट्रेसखौनो गानानै थायोमोन। समर्थआ अंकितानि सायावबो बाश्त्रा बुंदों। बियो बुंदों, जॉनि न'आव जेसेबां सि-जोम दड अंकितानि सि-जोमआबो एसेबां। आथिखालाव बेनिनो गोरोन्थि गैया। मानोना खेबसे इशायाबो बुंदोंमोनदि, बियो मोजाडै साखोन-सिखोन लाखिया। इशाजों लोगोसे समर्थआबो बे स्व'आव अंकिताया 200 सि-जोम लानानै फेदोंमोन होन्ना फोरमायदों। बेनि उनावबो बियो बायजोनिफ्राय ट्रेस बिहर्बावदोंमोन होन्ना बिथां समर्थआ फोरमायदों।

जुनियर एन्टिआरनि आपकामिं सावथुन देभरानि रिलिज डेटआ सोलायबाय

साउथ सुपर स्टार जुनियर एन्टिआरनि आपकामिं सावथुन देभरानि रिलिजखौ बयबो गोसो गुडुडै नेगासिनो दड। बावैसो समनि सिगां रिलिज जानाय बे सावथुननि टिजार भिडिअया फेन्सफोरनि एक्साइटेमेन्टखौ गोबां बांहोदों। नाथाय आथिखालाव देभरानि रिलिज डेटखौ लानानै गिदिर खौरां नुजाथिदों, जायखौ मिबथिनानै फेन्सफोरा बागदावखांदों। मानोना एन्टिआरनि बे फैनो गोनां सावथुननि रिलिज डेटखौ




सोलायना होबाय। सावथुन आरआरआरनि अफार जाफुसारनायनि उनाव जुनियर एन्टिआरखौ देभरानि गेजेरजों सिनेमा हलआव फेफिन्नाय नुनो मोनगोन। नाथाय आथिखालाव जाय खौराडा फेगासिनो दड बेनि सायाव बिथा खालामनानै मिबथिनो हायोदि, बेनि रिलिजआ गोबाव जाबावनो हासिगो। पिंकविलानि रिपर्टनि बायदिब्ला जुनियर एन्टिआरनि देभरानि रिलिज डेटखौ सोलायना होबाय। भिएफ एक्सनि आद्रा जानानै थानाय

खामानिनि जाहोनाव दासिमबो बे सावथुनआ आबुडे थियारि जानो हायाखै आरो मेकार्सफोरा बेनि थाखाय जेबो खाबुखौ नागारनो लुबैयाखै। बेबायदियाव देभरानि गिदिर थाखोयाव दिन्थिनो थाखाय फैगो 2024 नि एप्रिल दानाव रिलिज जानो गोनां डेटखौ आथिखालाव सोलायना होफिनबाय। सावथुन बानायगिरिफोरा बे मुभिनि गोदान रिलिज डेटखौ थाबैनो फोसावफिन्नो हागो। आथिखालाव बेनि सोमोन्दैयै मावख'यारि महैरे जेबो खौरां

होनो हायाखै। बेबायदियाव आथिखालाव जुनियर एन्टिआरखौ फेन्सफोरा बेनि फेफिन्नायखौ लानानै नेबावनांसिगोन। जुदि जुनियर एन्टिआर देभरानि इडनि समाव रिलिज जायोमोनब्ला अक्षय कुमार आरो टाइगर श्राफनि एक्सन ट्रिलार बडे मिया छते मियानि गिदिर सेलेन्स जागौमोन। बेराफारसे अजय देवगानआबो गावनि फैनो गोनां सावथुन सैताननि थाखाय 2024 नि इदखौ सायख'दों।

बिसिसिआइनि बान्थानि फारिआव मास्वासे गेलेगिरिफोर जायगा मोन्दो

गोदान दिल्ली, 24 जानुवारी: बिसिसिआइआ 2019 नि उनाव गिबि खेबनि थाखाय बोसोरि बान्थाखौ सोलिफु बोसोरवसो फोसावदों। बे बान्थानि फारिआव बाराग' भारतीय अल राउन्डर आरो गाहाइ कच रथि शास्त्रिआ लाइफटाइम एसिभमेन्ट बान्थाजों मान होजादों। बिसिसिआइआ बे बान्थानि फोर्बोआव 2019-20 सिजननि थाखाय गोजौ थाखोनि हौवा आरो आइजो गेलेगिरिफोरखौ मानजों बरायदों। भारतनि बाराग' उइकेट किरपर फारुक इन्जिनियारआबो लाइफटाइम एसिभमेन्ट बान्थाजों मान होजादों। 61 बोसोर बैसोनि शास्त्रिआ भारतनि जानानै खेब 80 टेस्ट आरो खेब 155 वन्डे मेच गेलेखाबाय। आरिख लाखानायनि उनाव बिथाडा सासे बुंथिगिरि महरै गेलेमुजों सोमोन्दोआव दड। मख'नो गोनादि, बिथाडा खेबनै नेसनेल टीमनि कच बिबानआव थाखाबाय। 2014 निफ्राय 2016 सिम हान्जानि दिथागिरि



महरै नेसनेल टीमआव बिथाडा गावनि बिहोमाखौ जागायबोदों। बान्थानि थाखाय सायख'जानायनि उनाव बिथाडा गोजेन्नाय फोरमायनानै बिसिसिआइनो साबायखर हरदों। लोगोसे गावनि केरियारआव मोन्दाथिबोनायखौ गुवारै फोरमायदों। गिबि थाखोनि गेलेगिरि शुभमन गीलआ 12 दाननि गेजेराव मोजाडे दिन्थिफुनायनि थाखाय बोसोरनि साबसिन हौवा क्रिकेटर महरै पली उमरीगर बान्थाजों मान

होजादों। थांनय 12 दाननि गेजेराव बिथाडा वन्डेआव 2000 रन लानो हानाय बयनिखुइ गोखेसिन गेलेगिरि जानो हादोंमोन। जायनि गेजेराव बिथाडा खेब 5 सेन्सुरि रान लादोंमोन। बे समाव गेलेनाय खेब 29 मेचफोरव गीलआ 63.36 जौखोन्दोजों 1584 रन लादोंमोन। लाइमोन बेटसमेन यशस्वि जयसवालआ थांनय बोसोरनि जुलाइ दानआव वेस्ट इन्डिजनि हेथायै 171 रन लानानै 2022-23 सिजननि थाखाय

साबसिन गेजेर हायुडरि डेब्यु बान्थाखौ देरहादों। स्पीनारदिपति शर्माआ 2022-23 सिजननि थाखाय बोसोरनि आइजो क्रिकेटर बान्थाखौ देरहादों। मख'नो गोनादि, थांनय बावैसो सान सिगां इलेण्डनि हेथायै गेलेनाय खेबसेल' टेस्टआव बिथानि बलिंजों भारतआ जाफुंसारनो हादोंमोन। बे समाव दिपतिआ 9 उइकेट लादोंमोन।

गोदान दिल्ली, 24 जानुवारी: थांनय 2 सप्ताहनि गेजेराव मोजाडे दिन्थिफुनो हानायजों सात्विक साइगर रेन्किरेडि आरो सिराग सेत्तिन भारतीय स्टार बेडमिन्टन जराआ गोदानै फोसावनाय बिडब्लिउएफनि हौवाफोरनि जावजा रेंकिंआव फिन नम्बर 1 मासिआव जायगा आवग्रिनो हाफिनबाय। बिसोर सानैनि भारतीय जराआ 2022 आव जालानाय हंजौ एसियान गेम्सआव जारिमिनारि सनानि मेडेल देरहानायनि उनाव रेंकिंआव आवगायनो हादोंमोन। बिथामोननि गिबि मासिआव सौहानायनि जाउनाव चीननि लियान वेइ कें आरो वां चेंआ नैथि नम्बरआव दावखलायनानै फेंदों। सात्विक-सिरागनि जराआ सोलिफु दानआव खेबनै दुनामेन्टआव बाहागो लादोंमोन आरो खेबनैआवबो फाइनालाव सौहेंदोंमोन। थांनय 21 जानुवारीआव इन्डिया अपेनि फाइनालाव बिसोर सानैनि जराआ खोला करियानि सेउं जे



आरो ह्युन सुक कांनि जराजों फोथारआव जारिमिन सोरजिदोंमोन। बे समावबो बिसोर सानैनि जराआ इन्डिया अपेन, अल इलेण्ड अपेन, माद्रिद स्पेन मास्टर्स, थाइलेण्ड अपेन आरो करिया अपेन मोननैआवबो सिगां समावबो जायखारानादोंमोन। गुबुन भारतीय गेलेगिरिफोरनि गेजेराव एइसएस प्रनयआ मुलुगनि 8 थि मासिआव सौहैयो आरो लक्ष्य सेन, किदाम्बि श्रीकान्त आरो प्रियान्शु राजावतआ फारियै 19 थि, 25 थि आरो 30 थि

मासिआव थानो हायो। बेडमिन्टन रेंकिंखौ दुनामेन्टनि ग्रेन्डस्लेमजों थि खालामनाय जायो। बिडब्लिउएफ मुलुगनां रेंकिं दुनामेन्टआव सुपार 1000, 750, 500, 300 आरो सुपार 100 मेचफोय थायो। रेंकिंनि बादिब्ला, देरहागिरिआ पइन्ट आरिजो। सुपार-100 मेचनि देरहागिरिआ 12 रोजा पइन्ट, सुपार 100 दुनामेन्टनि देरहागिरिआ 5500 पइन्ट मोन्नो हायो। वर्ल्ड सेम्पियनसिप आरो अलिम्पिक देरहानाय गेलेगिरिनो बासिन 13 रोजा पइन्ट होनाय जायो, थामहिनबा मुलुगनां रेंकिंखौ गासै पइन्टफोरनि सायाव बिथा खालामनानैथि खालामनाय जायो। देरहागिरिफोरनि अनगायैबो फाइनलिस्ट, सेमिफाइनलिस्टनिफ्राय लानानै दुनामेन्टआव बाहागो लानाय शाटलारफोरनो ग्रेड आरो रेंक बादिदियै पइन्टफोरबो होनाय जायो।

भारतीय फुटबल टीमआ एएफसि एसियान कापनिफ्राय जानगारआव



गोदान दिल्ली, 24 जानुवारी: भारतीय फुटबल टीमआ एएफसि एसियान काप 2023 निफ्राय जानगारआव थांनबाय। सिरियानि टीमआ काठारनि अल बेट स्टेडियमआव गावसोरनि हान्जानि थामथि मेचआव भारतखौ 1-0 स्करआव फेजेन्दों। बे समाव सिरियानि जानानै उमर क्रिबिनआ 76 मिनटआव गरसेल' गल सोदों। भारतीय टीमआ बे दुनामेन्टआव मोनसेबो गल सोनो हायालासे गात्रियै जेन्दों। मानोना गासै खेबथाम गेलेनाय मेचआव भारतआ अस्ट्रेलियानि हेथायै 2-0, उम्बेकिस्ताननि हेथायै 3-0 आरो सिरियानि हेथायै 1-0 स्करआव जेन्नाबाय। बे देरहानायजों सिरियानि टीमआ पइन्टनि फारिआव थामथि थावनिआव सौहैनानै नकआउटनि मिजिथिखौ गोथाडे

लाखिदों। दुनामेन्टआव बाहागो लानाय मोन 24 हान्जाफोरनि गेजेराव मोनफ्रोम हान्जानिफ्राय जौसिन मोननै हान्जा आरो मोनब्रै साबसिन थामथि मासिआव जायगा मोन्नाय टीमफोर नकआउटनि थाखाय क्वालिफाइ जागोन। सिरियानि टीमआ देरहादोंब्लाबो गुप-इ आरो गुप-एफनि जेन्नाय आरो देरहानाय फिथाइखौ नेनांगोन। भारतआ सिरियानि हेथायै मिजिथि बादिदियै दिन्थिफुनो हायाखै। सिगाडाव ब्लु टाइगारसनि टीमआ मोजां खाबु मोन्दोंमोन। मानोना बे समफोरनि गेजेराव भारतनिफ्राय नरम महेशआ आगदा फारसिनफ्राय खेबसे शट होनो मोन्दोंमोन। नाथाय बेनि उननिफ्रायनो सिरियानि गेलेगिरिफोर मेचखौ दिदोमै सामलायदों। मेचनि गेजेर

समसिमआव फारसैथिनिफ्रायबो गल सोयाखै। नाथाय नैथि हाफआव सन्देश झिगनआ जोखोम जायो आरो मेचनि गरसेल' गलआ 76 मिनटआव फेयो। भारतनि कच इगर स्टिमेकआ टीमनिफ्राय सेट पीस (फ्री किक, कर्नार, पेनाल्टि) नि सनानि खाबुखौ गलआव सोलायनो हायैखौ फोरमायदों। भारतीय हान्जाया मेचनि 72 थि मिनटआव गोरोथि खालामदों। बेनि सिगां 53 मिनटआव उदान्ता सिंहआ आगिस फारसैनिफ्राय क्रश बलनि खाबु मोन्दोंमोन। नाथाय बे समाव बेरेखा गेलेगिरिनि डिफेन्डर एहम औसाउआ शटखौ होबथादोंमोन। नाथाय 72 थि मिनटआव मोन्नाय खाबुखौ सिरियानि हेसरआ बक्सनि आगिसफारसै मोन्नाय बलखौ उमरनो पास हरदोंमोन। मख'नो गोनादि, भारतनि टीमआ बे दुनामेन्टखौ बाथि खेबनि थाखाय गेलेदोंमोन। जेराव हान्जाया फारियै ब्रैथि खेबनि थाखाय गुप लेबेलनिफ्राय जायखारनानै नकआउटसिम सौहैनयाव फेलें जादों। बेनि सिगां भारतआ 2019, 2011, 1984 आरो 1964 माइथायाव बाहागो लाखाबाय।

गोदान दिल्ली, 24 जानुवारी: टकिय अलिम्पिकआव ब्रन्ज मेडेल देरहानाय भारतयारि हौवाफोरनि हकी टीमआ सोलिफु बोसोरव पेरिसआव खुंजानो गोनां अलिम्पिक गेम्सनि थाखाय मेडेलनि थांनिजों गोब्राबसिनै नाजानांगोन। गेजेर हायुडरि हकी फेडारेसन (एफआइएस)आ पेरिस अलिम्पिकनि थाखाय पुलनि फारिआव फोसावबाय। जायनि फारिलाइआव भारतआ पुल-बिनि फारिआव मुलुगनि नैथि थाखोनि सोलिफु अलिम्पिक सेम्पियन बेल्जियाम, टकिय सिलभार मेडेलिस्ट अस्ट्रेलिया, रिय अलिम्पिकनि सेम्पियन आर्जेन्टिनाजों जायगा मोन्दों। पुलनि फारिआव बेनि अनगायै निउजिलेण्ड आरो आयरलेण्डआबो लाखिजादों। हंजौ एसियान गेम्सआव सनानि मेडेल देरहानाय भारतीय आइजो हान्जाया आधिखालाव मुलुगनि थामथि मासिआव दड। भारतनि जौसिन मासिआव फारियै नेडारलेण्ड आरो बेल्जियामआ दड। पुल-एआव नेडारलेण्ड, जार्मानी, ग्रेटब्रिटेन, स्पेन, खोला आफ्रिका आरो बान्जायग्रा हादर फ्रान्सआ लाखिजादों। सोलिफु बोसोरनि अलिम्पिक गेम्सआव बाहागो लानो गोनां मोन 12 हान्जाफोरनि गेजेराव भारतआ मोनसेल' एसियानि हान्जा महरै सेलेन्जआव ओं खारगोन। अलिम्पिक हकी क्वालिफायर जोबनायनि उनावनो एफआइएसआ अलिम्पिक गेम्सनि फारिलाइखौ फोसावदों। भारतनि आइजो हकी टीमआ रान्सिआव जालानाय अलिम्पिक क्वालिफायरआव पेरिस अलिम्पिकनि टिकेट मोन्नो हायाखैमोन। मानोना बे टीमआ 3 थि मासिनि बादायनायाव जापानजों 0-1 गलआव जेन्नादों। पुलखौ मुलुगनां रेंकिं बादिदियै थाखोआव रान्दों। अलिम्पिक आव मोननैबो पुलनिफ्राय साबसिन मोनब्रै टीमआ क्वार्टर फाइनालनि थाखाय क्वालिफाइ जागोन। पेरिस अलिम्पिकआ फेगौ 26 जुलाईनिफ्राय 11 आगस्टसिमनि गेजेराव खुंजागोन। जायनि गेजेराव हकीनि बादायनाया 27 जुलाईनिफ्राय 9 आगस्टसिमनि गेजेराव खुंजागोन। खेब 8 अलिम्पिक मेडेल देरहानाय पाकिस्ताननि हौवाफोरनि हकी

पेरिस अलिम्पिकआव भारतनि हकी टीमआ गोब्राब पुलआव जायगा मोन्दों



टीमआ फिन खेबसेबाव अलिम्पिकनि थाखाय

क्वालिफाइ जानो हायाखै। मेचआव पाकिस्तानआ 3-4 जायगानि थाखाय बादायनायाव

मानोना क्वालिफायरनि जायगानि थाखाय बादायनायाव

निउजिलेण्डनि आखाइयाव 2-3 स्करआव जेन्नादोंमोन। बेनि सिगां बे टीमआ सेमिफाइनालाव जार्मानीनि हेथायै 0-4 गलआव जेन्नादों। क्वालिफायर दुनामेन्टआव टप-3 टीमफोरल' अलिम्पिक गेम्सनि टिकेट मोन्नो हायो। थामहिनबा पाकिस्ताननि टीमआ थामथि खेब अलिम्पिक गेम्सनिफ्राय जानगारव थांनदों। बे टीमआ जोबथा खेब 2022 लन्डन अलिम्पिकआव बाहागो लादोंब्लाबो बे समाव 7 थि मासिआवसो जायगा मोन्दोंमोन।



सुर्य कुमार यादवआ आइसिसिनिफ्राय प्लेयार अफ दा इयार बान्थानि थाखाय सायख' जादों



गोदान दिल्ली, 24 जानुवारी: भारतनि स्टार क्रिकेटर सुर्य कुमार यादवआ आइसिसि टी-20 रेंकिंआव गिबि नम्बरनि बेटसमेन महरै फिन मोनसे बान्था देरहानो हाबावदों। बिथाडा आइसिसिजों टी-20 क्रिकेटर अफ दा इयार बान्थानि थाखाय मान होजादों। बिथाडा नैथि खेब बे बान्थानि थाखाय सायख'जादों। 2023 नि सिजनआव सुर्य कुमारआ मोजाडे दिन्थिफुनानै गोबां रन लादोंमोन। यादवआ 2023 नि सिजनआव टी-20 गेजेर हायुडरि मेचफोरव 150 सानजेर आरो 150 नि बांसिन स्ट्रिक रेटजों गोबां रन लादोंमोन। 2021 आव इलेण्डनि हेथायै खेबसे 6 रनजों टी-20

आव आगान होजेन्नाय सुर्य कुमारआ बे समनिफ्रायनो लान्थियै स्कर लाबोदों। आइसिसिआ बे खेबआव बे बान्थानि थाखाय साब्रै गेलेगिरिफोरखौ सायख'दोंमोन। जायनि फारिआव जिम्बाबवेनि शिकन्दर रजा, युगान्दिन आल्फेस रामजानी खेब बे बान्थानि मार्क शेफमेनआबो दडमोन। नाथाय बिसोरखौ गाखलायनानै सुर्य कुमार यादवआ हारसिडे आइसिसि टी-20 प्लेयार अफ दा इयार बान्थाखौ देरहादों। 2023 आव सुर्यआ 17 इनिंसआ 733 रन लादोंमोन। बे समाव बिथानि सानजेरआ 48.86 आरो स्ट्रिक रेटआ 155.95 आव थाहेदों।

बेनि सिगां सुर्य कुमारआ आइसिसिनि बे बान्थाखौ 2022 आवबो देरहादोंमोन। 2021 निफ्राय आइसिसिआ बे बान्थाखौ होजेन्दोंमोन। जायनि गिबि बान्थाखौ पाकिस्ताननि महम्मद रिजवानआ आजावजेन्नो मोन्दोंमोन। बेनि उनाव सुर्य कुमारआ बे बान्थाखौ फारियै खेबनै देरहानो हादों। थांनय बोसोरव वन्डे मेचआव गोबां खाबु मोन्नाय सुर्य कुमारआ अब्लाबो बे समाव वन्डेआव मोजां रन लानो हायाखैब्लाबो टी-20 आव बिथानि सिगाडाव रावबो थांनो हायाखैमोन। बे समाव बिथाडा पाकिस्ताननि महम्मद रिजवानखौ गाखलायनानै टी-20 रेंकिंनि गिबि बेटसमेन जायो। 2023 आव बिथाडा गिबियाव अस्ट्रेलिया आरो उनाव खोला आफ्रिकानि बेरेखायै केप्टेन सामलायनो खाबु मोन्दोंमोन आरो बे समाव मोजाडे दिन्थिफुदोंमोन।

आसाम सरकार


माहारियारि देहा विथाथि, आसाम

बिमा आरो गथ' रैखाथि (एम सि पि) कार्ड

बेनि गोनांथिनि सोमोन्दै मिबथिनानै लानि

एम सि पि कार्डनि गाहाइ आखुथायफोर


- गोर्बोआव थानाय आरो जोथोननि समाव खेफोद गोनां नेर्सोनफोरखौ लाफानानै गथ' जोनोम जानायनि सिगां आरो जोनोम जानायनि उननि समाव जोथोन लानायनि सोमोन्दै मिबथिनाया गोनांथार।
- जोनोम जागोदान गथ'सानि जोथोन लानाय, इमुनाइजेसन, डाइरिया, निमनियानि सायाव मिबथिनायनि थाखाय आरो गथ'फोरनि बेरामखौ माबोरै होबथानांगो बेनि बागे मिथिनांगोन।
- गोबांथार फ्लेगसिप सरकारि विथाथिफोर आरो बेनि मुलाम्फानि सायाव फोरमायथि।



एम सि पि कार्डनि गोनांथि


- गासै गोर्बोआव थानाय आइजोफोरनि देहा आन्जाव खालामनाय आरो फाहामथायनि गोनांथिखौ मिबथिनो थाखाय बेयो थि महरै खामानि मावयो, जायजों बिसोरो मुलाम्फा मोन्नो हायो।
- गोर्बोआव थानाय आइजोनि गासै मेडिके ल रेकर्डखौ ए एन एमफोरो एम सि पि कार्डआव आपडेट खालामो।
- गोर्बोआव थानाय समाव बेयो सरकारनिफ्राय जगायनाय गोबांथार देहा मुलाम्फाफोरखौ मुलाम्फागिरिफोरनो मोनहोनायाव हेफाजाव होयो।

- जोनोम जागोदान गथ'नि देहा रेकर्डनि आबु फोरमायथिखौ कार्डआव आपडेट खालामो, जाहाथे बिमा-बिफा/दिथागिरिफोरा गथ'खौ मोजाडे जोथोन लानो हायो।
- बेयो जोनोम जागोदान गथ'नि जोनोम फोरमान बिलाइ दिहुन्नायाव हेफाजाव खालामो।
- अंगनवादि मावफारियाफोरा बैसो रुजुनानै गथ'फोरनि गोजो आरो लिस्थायखौ रेकर्ड लाखियो, जाहाथे गोनांथि जायोब्लानो सम बायदियै जोथोन लानो हायो।



बेनि मिबथिनो थाखाय आशा/ए एन एमजों फोनांजाव खालाम

एम सि पि कार्डखौ रैखाथियै लाखिनांगो। साफ्रोमबो गोर्बोआव थानाय आइजोफोर आरो विनि गथ'नि थाखाय खेबसेल' कार्ड दिहुन्नाय जायो।



(NHM/D/2023-24/1838)

Owned, printed and published by Garkhwad Basumatary from Maibong Nwgr, J.D. Road, Kokrajhar, W/No. 5, P.O. & Dist. Kokrajhar, B.T.C, Assam; Printed at BODOSA PRESS, Gwjwmpuri, P.O. & Dist. Kokrajhar, B.T.C, Assam; Phone & Fax No : 03661-276785; E-mail: bodosa@gmail.com, bodosa_daily@yahoo.co.in; Editor : Baburam Basumatary, Executive Editor : Mwgthang Basumatary

CYMK

CYMK